

دَارُ الْفُنُونِ

حقوق فائز و لیترا مجنون

مفروق ، اقتصادیات

ایکی آبرہ بر نثر اولنور

مندرجات

قسم مفوقی :

نسب حقندہ کی احکام قانونیہ مزہ بر نظر	حاجی عادل
یکی تور کیا حقوق مدنیہ سی تدقیقاتہ مدخل ، صاوزه رها (مترجمی) دانش سعید ، صدیق سامی	
یکی جزا قانون عزدہ کورہ صباوت	باہر
صوچک و صوچلوک وحدت و یا تعددی	عبدالله وہبی
عاقدرک حمایہ سی	عبدالحق کمال

عاقدرلرک صحابه سی

— ۲۸ نومرولی نسخه دن مابعد —

۴۰ — عاقدرلرک مساواتی و عقدک قانونیلکی

۴۰ — قوانین و آدابہ رعایت ایتک شرطیلہ عاقدلر منفعتلرینی درپیش ایتک حقنی حائر در . اوحالده عقد ، ہربری اُک آز فداکارلقہ اُک فضلہ منفعتی تأمین ایتکہ چالیشان خودکام ارادہ لرک مجادلہ سیدر . بوجادلہ نہ نہ رزیلری تولید ، ثروتی صیانت ایتدیکندن دولایی متمر و ہیچ دکلہ خدمات و محصولاتک مبادلہ سی موضوع بحث اولدینی زمان ، باشلیجہ عامل حرکات منفعت اولدیغندن دولایی دہ فنادر .

عقدی مجادلہ دہ مطلق مساواتک موجودیتی تصور ایدیلہ بیلیرمی ؟ بو مساواتہ ہیچ تصادف ایدلمز ، حتی ظاہری اولسہ بیلہ ، آیری آیری ارادہ لری و فکرلری ، بشقہ بشقہ غایہ لری بولان ایکی انسان ارہ سندہ موجود اولہ ماز . شخص بشرینک تشکل ذہنی و معنوی سندہ ، منفعتلرینک ادراکنده ، حادثہ لرک استبصارندہ فائیت بولندجہ ، بوفائیتک منفعت عقد ایلہ تأید ایتدیکی اخلاق طرفندن تصدیق ایدیلنجہ دیگرک ضررینہ تأمین منفعت ایدیلیر . بو ، مقالہ دہ مساواتک یا کلش تلقیسیدرکہ ، عاقدلردن بریسنک فائیتنہ قارشی جوق دفعہ لر ایشیدیلن برفکری الہام ایتشدیر . عدم مساوات فنا اولقلہ برابر مناسبت حقوقیہ دہ بارز صفتلرک استفادہ تأمین ایتسی محقدیر .

عاقدیندن ہر برینک طبعی و مکتسب برطاقم اوصافہ مالک اولسی دولایی سیلہ عقدی مجادلہ نک غیر مقبول اولسی ایجاب ایتمز و آنجق عاقدلردن بریسی بوفائیتنی سوء استعمال ایتدیکی زمان عقد غیر مقبول اولور . وجیہ نک نہ متعلق ونہ دہ علای غیر مشروع اولمدینی وسیلہ سیلہ سربستی عقدی تعرضدن مصون عد ایتک انسانک ، اخلاق طرفندن مردود کورولدیکی شکلده استثمارینہ مساعدہ ایتک اولور .

بوکا مانع اولمق ایچون قانون مدنی ، عقدک مقبولیتنی مختلف واسطه لر ایله تأمین ایتمهک چالیشدی . عاقدرک حمایه سی ، مادی ویا معنوی برحال دولایسیله بوجادله خارچنده بولنق ضرورتنده بولنانلره معاونت و ممنوعیت ایله تأمین ایتمیشدر . بوحمایه ، رضانک قیمتته استناداً یاپیلن اینجه برتحلیل ایله وایی سوق ایدلمش اولان براراده نك حمایه سندن منبعث اولان فساد رضا نظریه سیله تأمین ایدلمشدر . معلوم فرض ایتدیکمز بوقاعده لردن بحث ایده جک دکلز . یالکز قانون ایله وجوده کتیرلش اولان ویا اجتهاد محاکم ایله میدانه چیقارلش بولنان بوقاعده لرك هانکی نقطه لرده عقدی اخلاقه توفیق ایتک ضرورتنی تأمین ایتدیکنی کوسترمک ایتورز .

۱ — فساد رضا نظریه نك وصف اضرابی

۴۱ . فساد رضا نظریه سی یالکز اراده نك تحلیلی ایله ایضاح ایدیه مز - ۴۲ . خطا سببیه بطلان خصوصنک اجتهاد محاکم ایله توسیع و تشمیلی - ۴۳ . خطا دولایسیله بطلانده غبن فیکری - ۴۴ . خطا هرایکی طرفده مشترکمی اولمیدر؟ - ۴۵ . اکراه مستند معامله ده غیر مشروعیت وصفی - ۴۶ . قضان ویا ضرورت حالندن منبعث اکراه - ۴۷ . حيله سببیه بطلانک ماهیتی - ۴۸ . قصدا سکوت حسیله بطلان - ۴۹ . اجتهاد محاکمک بوخصوصه دائر اولان تمایلاتی حقنده مطالعات .

۴۱ — بوکون ، فساد رضا نظریه سی مختاریت اراده مسلکنک قادروسنه داخل بولنور . قلاسیک اجتهادات علمیه نظرآ ، بونده اراده نك درجه سی تحلیلی ایتک موضوع بحثدر . عاقدرک فیکرنده ولساننده تأکیدن و ظاهری اولان اراده ایله بالکلیه غیر موجود اولان رضای درونی آره سنده سربستی عنصرنده اکراه ایله ، شعور عنصرنده خطا و حيله ایله معلول اولان برمادونیت صفی واردر . بواراده ، عقده حیات و برمک ایچون کافیدر ، چونکه فنا اراده ایتکده اراده ایتمکدر؛ جبر ویا اغفال ایدلمش اولسون اراده دائماً اراده در؛ فقط بونکله برابر ، بواراده ، نقائصی حسیله ، سالم براراده ایله عینی قیمتده اوله ماز . رضانک تحلیلی نقائصک تشخیصه مساعددر ، عقدک بطلانی قانونک طلب ایتدیکی شکله اراده نك موجود اوله مسنک منطقی بر نتیجه سیدر . فیکرجه فساد رضا نظریه سنک ، یالکز بوروحی تحلیله استناد ایدره ک انبات و تطبیق ایدیه بیلیمسی چوق مشکوکدر . حتی بونده کی الاستیکیت تشوشی موجب اولما - سببیه ،

احکام قانونیہ نک افعولہ سی ا کلامغہ اصلا مساعد دکلدر . نظریہ نک منشائی ، کلیسا حقوقک ، ویرلش سوزک قیمتی نظراعتبارہ آلہرق بوتخلیلده کی تأثیری ، فساددن متولد بطلانک وصف قانونیسی ، یالکز آلدانیلان شخصک لہنہ اولہرق تأسیس ایدلش اولان بطلان ، عقدک اورتہدن قالدیرلمسی اُک ای بر شکل تضمین اولہرق کورولدیکی زمان بوفرزیہ لردہ بطلانک اجتہاد محاکم ایہ تطبیقی ، بتون بونلر فساد رضا نظریہ سنک حقوق بفرضیہ لردہ بطلانک روحی تحلیلی ایہ ایضاح ایدیلہ میہ جکنی دوشونمک سائق اولور .

احداث ایدن ارادہ نک روحی تحلیلی ایہ ایضاح ایدیلہ میہ جکنی دوشونمک سائق اولور . فقط عقدہ دہا آز مجہز اولان عاقدک حمایہ سی تأمینہ مساعد اولدیغندن دولای قبول ایدلشدرو عاقد دیگرک بیلدیکی وحقی بعضاً کندیسنک سببیت ویردیکی بودونیتدن مستفید اولسنہ مانعدر . عقد ، فسادہ رغماً موجود اولدیغندن ، حقوق مدنیہ قاغده لربنہ کورہ مقبول اولہجق ایسہدہ ، بوفساد دولایسیلہ ، مغدور اولان طرف ، طرف دیگرک مالک اولدیغی برحقہ استناد ایہ ، حمایہ سی تأمیناً برابطال دعواسندہ بولنہرق مقالہ نک تطبیقی برطرف ایدہ بیلدر .

فساد رضا نظریہ سنک ، اخلاقی جہتی کوسترمک ایچون اجتہاد محاکم ایہ مؤسس اولان تطبیقاتندن برقاچ مثال ویرمک کفایت ایدر .

۴۳ — اجتہاد محاکم اول امرده خطا دولایسیلہ بطلانہ شایان اہمیت بر اتساع ویرمشدرد . قودسیوبلک ۱۱۱۰ نجی مادہ سی عقدک موضوعندہ کی ومتعلقک ماہیتی حقندہ کی خطایی مطمع نظر ایتمشدرد وختاریت فکریلہ مشبوع اولان حقوقشناسلر ، بوفقدان رضا عقدک حدودی داخلندہ ، یعنی عقدک متعلقندہ موجود دکلہ ارادہدہ حقیقتاً فساد بوقدر ، دیورلر . فقط اجتہاد محاکم ، ماہیت حقندہ کی خطایی کنیش صورتدہ تفسیر ایدہ رک « اشبو ماہیت موجود اولدیغی تقدیردہ طرفیندن برینک عقدہ راضی اولیہ جفی ظاہر ایہ » خطانک نظر اعتبارہ آلمسی لازم کلدیکی تقریر ایتمشدرد .

تطبیقات بومرکزددہدر . محاکم مشتری برتابلو ویا بر اثر صنعتی ، مشہور بر صنعتکاری ویا پردوری نظراعتبارہ آلہرق صانون آلدیغی تقدیردہ ، صنعتکارک شخصندہ ویا تاربخندہ آلدانلش بولنورسہ بطلان دعواسندہ بولنہ بیلہ جکنی قبول ایدیورلر . کذا بر اثر صنعتک ماہیتندہ ویا خود بر عرصہ نک ساحہ سنک احتیاجہ کفایتی حقندہ خطا ایتلش بولنورایسہ

بطلان ادعاسى قبول ايديورلر ، مستأجر ك شخصنده خطا وقوع بولديغى تقديرده ايجار مقاوله سى حقه ده عيى فكري تعقيب ايديورلر .

بونظريه ايله ببعده كى تأمينات نظريه سى اره سنده برقرىبت واردر . محاكمك اره صره بوايكي نظريه اره سنده ترده دوچار اولديغى كورولور .

خطا نظريه سنك بوتوسيغى ايضاح ايتك لازم كلنجه شينك ماهيتى انفسى صورتده اكلاشلمسى لازم كن برمفهوم اولديغى واشيادن مراد ماهيت اولديغى سويله مك ايستدير . بوصورتله اراده ساحه سنده قالديلر ايسده بوايضاح متعلقك اوصافنه عائد اولوب حالوكه ديكر خطالرده واردر .

وجيه نك علت موجب سى ، عقدك غايه سى حقه كى خطالر وار . بو خطا حقيقتده علت حقه ، عقدك عناصر اصله سندن برى حقه خطادر . ايضاح ماهرانه ايسده علت ايله غرضك مشكلاته يابيلن تفرقه استناد ايتمكه در . بوايضاح ، نه دينيرسه دينسون ، قودسيويلك موادنده هيچ براستناد نقطه سى بولمور ، وبالحاصله اساسى ساخته بر علتده بولان بر بطلانك اضافى سجي سنى نظر اعتباره الميور .

اجتهاد محاكم عاقدينك اهميتلى صورتده آدامش اوله لرى حالنده بطلانك موجوديتنى تقرير ايتمشدر عقدك غرضى حقه كى خطا ايله اكتفا ايدر وساده جه بوغرضك خطانك قربانى اولان شخصك غرض موجي اولوب اولمديغى تحقيق ايدر . بر كله ايله ، تك بر شى ايله مشغول اولور : شخص مغدورى كنديسى ايجون بي فائده اولان مقاوله ده حايه ايتك .

۴۳ — بطلانى تقرير ايدن قرارلر ايله غبن فكرينه ويريلن اهميت و مقاوله نك محافظه سنى آمر اولان مقررانده بر ضررك عدم موجوديتى لزومى درجه ده اشارت ايدلمه مشدر . بر بايع بر تابلونك اوزرنده كى امضاده ويا تابلونك قيمت تاريخيه سنده الدامش بولنورسه بدلنى آلمش اولمق اعتباريله و خطاسى يوزندن تابلوي پك اوجوز بر بدل ايله صاتمش دكلسه ، خطانك اهميتى يوقدر وعقدى ابطال ايتك ايجاب ايتمز . بالعكس مشترى آدامش اولديغى تقديرده ، تابلوده موجوديتنى ظن ايتديكي امضانك موجود اولمديغى ويا كنديسنه سويلنديكي كى اسكى بر اثر اولمديغى اكلاديغى تقديرده مغبون اولمشدر . موجوديتى ادعا اولنان بروصف صنعتكارانه يى حائر بولميان بر اثر صنعته متعلق صايشك ، سويلنديكندن

دها اسکی بولنان بر اونوموبیل صاییشنک ، زراعت وانشاآته مساعد اولیان بر عرصه صاییشنک ، بر فرانسز شرکته عائد وپارس بورس سنده مقید اولدینی ظن ایدیلن و حالبوکه بر انکلیز شرکته عائد اولوب بورسده مقید بولنمیان اسهام صاییشنک ابطالنده خطانک نظر اعتباره آلتش اولدینی دها بارزدر .

شیک قیمتی حقنده کی خطانک طرفیندن بری بوخطا دولایسیله ضرردیده اولسه بیله مقاوله نك ابطاله بر سبب عد ایدیه میه جکی سویلنمکده در . بونک سبی طرفینک کندی منفعتلری صیانت ایتمه مش اولدقلری تقدیرده قانونک بونلری حمایه مجبور اولمه مسیدر . طرفینک برشی اکتساب ایتدکلری بر عقدده ، شیک قیمتی طرفین عندنده اهمیتی حائر در ، بوراده کی خطا ، حیلهدن تولد ایتش اولسی مستثنا اوله رق ، عقدک هرایکی طرف ایچون حصوله کتیردیکی نتیجه قیمت اعتباریه مساوی اولماسه بیله ، معذور کورولمازه بوراده موضوع بحث اولان خطا مسئله سی دکل غبن مسئله سیدر .

۴۴ — خطا دولایسیله ابطالی بو قدر تشمیل ایدهرک عاقدیندن برینک حمایه ایدلمسی دیگر طرفی ، عقد ایدیلن مقاوله نك تأمین ایتدیکی منفعتدن محروم ایتمکله ، برحقسزازه دوچار ایتمکه منتهی اولمازی ؟ حقیقتاً ، اجتهاد محاکم خطانک طرفین ایچون مشترک اولسی طلب ایدهرک برچاره بولسه ایدی و بوسبیله هرایکی طرفک هر برینی سوق ایدن عامله آگاه اولدینی قبول ایتمه ایدی بو برحقسزلق اولوردی و بو حقسزلق غرض حقنده کی خطا بر سبب بطلان عد ایدیلنجه دها بیوک اولوردی .

خطا نظریه سی اراده نك تحلیلی اوزرینه بنا ایدنجه ، منطقاً وحیدالطرف برخطا ایله اکتفا ایتک مجبورینی واردر . بو صورت حل حس نصفی اودرجه رنجیده ایدرکه محاکم بونی همانده هیچ قبول ایتمه مشلدر . تابلو ویا صنعته دائر اشیا صاییشنده بایع و مشتری میعک اسکیلکنه قانع بولندقلری تقدیرده او شیک اسکی اولدینی تظاهر ایدنجه عقدک خطا دولایسیله ابطالی جهته کیدیه جکدی . مشتری ، بایع هیچده اسکی برشی صامق نیتده بولندینی زمان دوچار خطا اولدینی ادعا ایدیه میه جکدی . بو صورت حلی ایضاح ایچون بعض مؤلفر ، طرفینجه مبیع معلوم اولدینی تقدیرده ، وصفک اساسی اوله رق نظراعتباره آله میه جفی اشارت ایدرلر ، دیگرلری ، ساده جه الدامش اولان طرف دیگر طرفی عقد مقاوله یه سوق ایتش ایسه مسئولیتی تحمل ایتسی لازم کلدیکی و بوراده مسئولیتک عقدک محافظه ایدلمسیله افاده ایدیه جکئی سویلورلر .

بوتون بوايضاحات ، حقوق شناسلرك خطا بخشنده قبول ايديلن صورت حللری ايضاح خصوصنده دوچار اولدقلری مشكلاتی افاده ايتمکده در . اولجه روما حقوقنده او قدر کوچك بر موقع اشغال ایدن بوفساد رضا بوکون تطبیقته مهم بر رول اوینایور . علی الا کثر بر طرف خطا ایتکسزین دیگر طرف خطا ایتش اوله بیلیر ، خطا ایتمین طرف نقیصه یی بیلدیکی حالده ایقاظ ایچون هیچ بر حرکته بولماز ؛ بونده حیلہ یوقدر ، معرض حاجتده سکوتده یوقدر ، چونکه خطا ایدن شخص ایقاظه مجبور طوتوله . مشدر ، فقط عینی زمانده دیگرک خطا سندن استفاده واردر . عقدک اخلاقیلکی بر شخصک الدائمش اولدینی ایچون متعهد اولمه سنی مستلزمدر . خطا دولایسیله ابطالک توسیعی ، مقبول صورتده عقد ایدلمدیکی کورولن مقاوله نک ابطالی ایچون اجتهاد محاکم استعمال ایتدیکی وسائطدن بریدر .

۴۵ — شیمدی بر طرفک ویا بر شخص ثالث اگر ایلله اکیلن عاقدهک منفعتنه اوله رق تطبیق ایدیلن قانونی حمایه یی کوره جکز . بوراده نظریه اراده نک تحلیلی اوزرینه بنا ایدلش ورضایی رفع ایدن اکراه ایلله رضایی افساد ایدن اکراه تفریق ایدلشدر . فقط اجتهاد محاکمک عقدک بطلاتی قبول ایتدیکی فرضیه لر تدقیق ایدیلنجه ، نتیجه دن زیاده علنی ، اراده نک تابعیتدن زیاده اکراهک ناحق صفتنی نظر اعتباره آلق لازم کلدیکی کورولور . اساساً حقوق لرك اسکی عنعنه سی بودر . metus جرمی قدرت عمومیه نک دوچار ضعف اولدینی مشوش زمانلرده چوق قورقولان بر جرمددر . کلیسا دوچار تعدی اولان شخصک منفعتنه اوله رق اسکی حالی اعاه ایتدیرمک ایچون بتون قوتی صرف ایتدی واسکی مؤلفلرده ، مثلاً بومانوارده ، فعل اکراه دائماً ، شی ویا تعهدی طلب ایتدیکی شخصی حبس ایدن سه نیورک قوتی سوء استعمال ایتسیدر . بوکون اکراه چوق نادردر ، علی الخصوص دهآ آز قبادر ، تهدید ، تخویف ویا شانتاژدر .

فرض ایدلمکه قورقویی تولید ایدن فعل بر فعل مشروع اولسون ، مجبور اولان شخصک رضایی دهآ آز تغیر ایتش دکلدر ، بونکله برابر مقاوله دوچار بطلان اولماز ، مقاوله نک ابطالی کیفیتک آنحق بر عدالت ملاحظه سیله الزام ایدلمدیکی دهآ ای کوسترن برشی یوقدر . قودسیویل ، حرمتله ممزوج قورقونک اکراهه مقیس اوله میه جفتی تقریر ایدره لک بونک بر مثالنی ویرمکده در (۱۱۱۴ نجی ماده) بوماهیقی اعتباریله رضایی افساد

ایدرسه ده، الهام ایدن شخص غیر مشروع بر حر کتده بولنه مشدر. اجتهاد محاکم بونی، دائمی بر شکله تطبیق ایتکده در. موجود و شایان اهمیت بر فنانلق قورقوسیه متعهدک اراده سی دوچار تشویش ایدن معامله بومعامله بی اجرا ایدن شخصه نظراً مشروع اولدینی تقدیرده بوکا بر اکراه معامله سی دنیله مز. آله جقدیسنک تعقیبات تهدیدلریله دوچار خوف اوله رق تعهدنامه امضایان مدیون، ایسترسه بونی جبراً امضالامش اولسون، بطلان طلبنده بولنه ماز. کدا بر مجرمک، مغدورک تهدیدی و جرمک ظاهره حقیقه جفی قورقوسیه جرمدن حصوله کلن ضررلری تلافی ایتک تعهدی مقبولدر. تعهد ضررک تلافیسیله مناسب اولیه حق صورتده مفرطانه ایسه باطلدر. دیمک که بطلانه سبب تشکیل ایده جک اولان یالکز غیر محق اکراهدر.

۴۶ — قودسیویلیک ۱۱۰۹ نجی ماده سی « اکراه ایله جبراً قوبارلمش اولدینی تقدیرده، رضانک موجود اولدینی تصریح ایدیور. بوتعبیر قانونی ده اچیقجه کورولیوکه واضع قانون برزوربالفک وجودینه لزوم کورمشدر. قصادولایسیله عقدمقاوله ایتک ضرورتیه مقاوله ایدن کیسه لر واردر، بو وضعیت اوزون زماندنبری حکامک نظر دقتی جلب ایتکده بولنمشدر. بوتیه نک ایراد ابتدکی مثال خاطرلرده در: اشقیا طرفندن توقیف ایدلمش اولان سیاح، قورقونک تحت تأثیرنده اوله رق کندیسنی بوتهلکه دن تخلیص ایدن بر شخص ناله کلیتی بر مبلغ اعطاسی تعهدنده بولنمشدر. بوراده اکراه دولایسیله مقاوله باطلمدیر؟ روما حکامی مسئله بی موضوع بحث ایتشلر وعاقده شخصی ایچون معاصر حقوقک حمایه فکربنه مالک اولدقلرندن منفی جواب ویرمشدر. بوتیه مقاوله بی محافظه ایتکه طرفداردر، فقط تعهد اولنان مبلغ چوق فضله اولدینی تقدیرده بونک تنزیلی قبول ایدر.

اجتهاد محاکمه، مسئله، دوچار تهله که اولان برکینک قایدانیله، اوکی بی قورتاران کینک قایدانی آره سنده عقد ایدیلن مقاوله دولایسیله موضوع بحث اولمقده در. منعقد مقاوله بی طانیان محاکم تعهد ایدیلن اجرته تنزیلی حقنی قبول ایتکده درلر، و ۲۹ نیسان ۱۹۱۶ تاریخلی قانون ایله قبول ایدیلن صورت حله بودر. بو قانون ده ده، مقدا اجتهدده اولدینی کی، رضانک سربستیسنی دکل فقط مقاوله نک وضعیت وصفتی نظر اعتباره. آلتی لازم کلدیکی فکری موجوددر. اشبو قانون مقاوله نک « محکمه طرفندن شرائط

مقرر كن نصفته موافق اولديني تقدير ايديلنجه ابطال ويا تعديل ، ايديله بيله جكني و اجرت ايفا ايديلن خدمت ايله متناسب اولميه جق درجده آز ويا چوق ايسه ، عيني صورته مقاوله كن تعديل ، ايديله جكني تصريح ايديور .

ضرورت حال ، بذاته ، بطلان مقاوله كن برسبي دكلدر . مع هذا هرشي ، جبركي اراده يي تغيير ايدر . فقط بوتغير برزور بالقدن متولد اولماز ، و ، دوغريسي آرانيرسه ، جمعيت داخلنده هر انسان مقاوله عقد ايدر كن آز چوق ضرورت حالنده بولنور ، زيرا عقد مقاوله ايتكمسزين ياشايه ماز . عدالتسزلك آنجق بر شخصك بو حالي بيله رك غير اخلاقي صورتده ديكريني استثمار ايتديكي زمان باشلار . شيمدي حيله مسئله سنه كچيورز ؛ بونده نظر اعتباره آلان ضعف اراده دكل فقط ننايج حاصله كن عدم مساواتندن دوغان عدالتسزلكدور .

۴۷ — على الخصوص حيله نظريه سنده دركه فساد رضا نظريه حقوقيه سنك وصف اخلاقيسي ششمه دار اولور . بوراده ، حتى بحسب التعريف ، حاكمك تدقيقي ، آلدانمش اولان شخصك رضاسندن زياده آلداتان شخصك طرز حر كتنه منعطفدر . حيله هر زمانده مختلف اشكال اكتساب ايديه بيلن مجرم بر معامله اولمشدر . دوما « بر شخصي اغفال ايچون هر فنا طريق » دييور ، هر نه قدر ، اسكي مؤلفرك ايراد ايتدكلري مثالدرده « حيله » حاللري عيني ايسه ده حيله يه خصوصي براستعداد عرض ايدن دوريمزده حيله حاللري لايعددر ؛ دولاندير بحيله قدن يالان مدعيانه قدر كيدر .

حيله كن فساد رضا وصفي محافظه ايچون مقاوله كن موجبي اولان حيله ايله ، تالي حيله آره سنده فرق وجوده كتيرلدي . بو ، نظريه يي ابهامه اوغراتمق و حكامه فعلاً غير ممكن و نتايجنده غير محق اولان بر فرق تكليف ايتكدور . اجتهاد محاكم بو فرق هيچ نظر اعتباره آليور ؛ حيله دولاييسيله ابطالي ، حيله عقده سائق اولماسه ده ، مقاوله كن شرائطي تعديله سائق تالي بر حيله اولسه بيله قبول ايتكدورده و حيله عقددن مقدم ويا عقده برابر اولديني زمان ده ده بطلان ادعاسي رد ايتيور .

حيله دولاييسيله بطلان دعوا سنك ماهيت جزائيه سي دعوا كن ترتيب عمليسنده واضحاً كورولور . حيله ، عاقد ديكر طرفندن ياپشش اولق شرطيله ، بر سبب بطلاندر . اكر يالكر ضرر ديده اولان شخصك رضاسنك تغيري موضوع بحث ايسه اوزمان حيله كن

مهرهانی بر کیمسه طرفندن یا پش اولسنک اهمیت یوقدر . ۱۱۱۶ نجی ماده حیلہ
طرفندن بریسی طرفندن یا پش حرکتلردن منبعث اولدینی تقدیرده « بطلانی قبول
ایدیور . حیلہ بی بر شخص ثالث یا پش ایسه ، عاقد دیکره ، اشتراک ایتدیکی بو حیلہ نك
نتایجی تحمیل ایدیلہ مز ؛ اونی مقاولہ نك منافعدن محروم ایتک حقیقتاً غیر عادلانه اولور .
هیهده شخص ثالث حیلہ سنك نظراعتبارہ آلمسی هیه نك ابطالی حالده موهوب لهك
جیندن برشی غیب ایتمه مش اولمسیله ایضاح اولور ویا لکز بو سببدر که مقبولدر .

اگره دولایسیله فساد حقنده کی قاعده بوندن فرقلیدر وبعض مؤلفر بو فرقی پک
منطقی کورمز لر . فقط واضع قانون ، عاقدی اگره فعلنه قارشی حمایه ایتک دوشونجه سیله
حرکت ایتشدرد ؛ اگرهده ، شخصاً کندی کندینی صیانت ایتک غیر ممکندر ، متعرضه
قارشی مدافعه وساطی تأمین اولنلیدر . حیلہده انسان معاصر جمعیت ایچنده متیقظ و حال
مدافعهده بولنلیدر . حیلہ کشف و برطرف ایدیلہ بیلیر ؛ مغدورک هر زمان ایچون معذور
کوروله میه جک اولان صافیتی واردر . قانون ایسه عقدده ذکا قوتنك مساواتی تأمین
ادعاسنده بولنه ماز .

حیلہ عاقدیندن ظهور ایتدیکی تقدیرده موضوع بحث اولان کیفیت یا لکز حمایه دکل ،
تجزیه ایتکدر . عاقدیندن برینك غیر اخلاقی حرکتی اونی دیکرینه قارشی مقبول اولمین
بر سلاحه مجهز قلمشدر . بو حالده قانون مقاوله بی ابطال ایدر ، کذا اجتهاد محاکمه
عاقدیندن بری شخص ثالث ارتکاب ایتدیکی حیلہ بی اشتراک ایتش ایسه عقدی ابطال
ایدر ، بوراده کی اشتراکی ، شخص ثالث حیلہ سنه آگاه اولمی و بوندن استفاده ایتدی
اشتراک تلقی ایتک صورتیه جوق کنیش صورتده قبول ایتشدرد .

۴۸ — کاذب بروجیه نك بر حیلہ تشکیل ایدوب ایتدیکنی اکلامق ایچون مقاوله نك
ماهیتنی ، طرفینك مناسبتلرینی واعتماد متقابللرینی نظر اعتباره آلمق لازمدر . بو فکرندن
حرکت ایدره ک ، طرفیندن برینك مجهول اولان ، فقط علمی لاحق اولدینی تقدیرده
نیات و مقاصدینی تعدیل ایدره جک بر حال حقنده اختیار سکوت ایتسی حالده بر سبب
بطلان موجود بولنه بیلیر . عمومیتله سکوتک بر حیلہ تشکیل ایتدیکی سویلنمکده ایسهده
بر اساس بودرجه غیر اخلاقی بر صورتده وضع ایدیلہ مز . دوغرو اولان شودر که ، اکثر
مقاوله لرده ، عاقدین آره سنده بر تخالف منافع واردر . هر بری کندی کندینه اکتساب

علم و بناء عليه كندى كندينه منافعى صيانت ايتلدر. طرف ديكره كنديسنك استحصال ايده بيله جكي معلوماتى و برمه مكدده هيچ بر قباحث يوقدر. فقط اكر طرفيندن برى ديكرينك جهالتنى سوء استعمال ايتمه مك ايچون سويله مك مجبوريت وجدانيه سنده بولنيور ايسه صورت حل ده كيشير و بو حالدده سكوت قباحتر . محاكم ، طرفيندن يالكز برى مجهول جهتي بيلورسه و مستقيم اولق ايچون بونى سويله مك وظيفه سيله مكلف ايسه سكوتنه بناء حيله سبيله مقاولاتى ابطال ايتمكدده در .

عقد طرفين آره سنده متقابل براعتادى استلزام ايدنيور ايسه عاقد ديكرى دوغرى صورتده معلومات صاحبي قيلمق وجيهه سى حقوقى بروجيه ، اختيار سكوت ايتمك عقدك ابطالى ايچون بر سبب مشروع اولور. قانون تجارتك ۴۸ نجى ماده سى بحرى سيفورطده سيفورطه ايديلن شخصك قصداً اختيار سكوت ايتمى ويا ياكلش بيانانده بولنمى حالنده مقاوله نك بطلاتنى تصريح ايتمكدده در . اجتهاد محاكم بو ماده يى بتون سيفورطه لره تشميل ايتدى . بو حكيمى ايضاح ايچون بعضاً سيفورطه مقاوله سنك حسن نيته مستند بر مقاوله اولدينى سويلنمكدده در؛ فقط تعبير ، بتون مقاولات قانونمزه نظراً حسن نيته مستند اولق لازم كلديكندن دولايى قصورليدر . بويله بر مقاوله ده طرفينك متقابل عدم اعتماد حالنده بولنمقلى و سيفورطه ايديلن شخصك سيفورطه ايدن شخصه قارشى معروض اولدينى تهلكيى تام بر احيقلقله واستقامتله سويله مسى لازم كلديكى اشارت ايدملك ايسته نيور . كذا اجتهاد محاكم حسن نيته مالك اولدينى حالده قصداً سكوت ايدلمسندن دولايى سيفورطه ايديلن شخصى ويا خود بيلنمى قولاي اولان حاللر حقنده معلومات آله مق خطاسندن دولايى سيفورطه جيبي قباحتلى كورمكدده در .

معاونت بحريه حقنده كى ۲۹ نيسان ۱۹۱۶ تاريخلى قانون ، معاونت خصوصاتنده طرفين امنيت و اعتماد ايله حركت ايتمه مجبور اولدقلى فكرندن ملهم اوله رق اختيار سكوت دولايى سيله مقاوله نك بطلاتنى قبول ايتشددر .

بو اساسك تطبيقاتى ، غايه سى طرفينك اشتراكى وجوده كتيرمك اولان بتون مقاوله لره و على الخصوص شركت مقاوله سنه تشميل ايديله بيليردى ، اختيار سكوت دولايى سيله ابطال ، مضر صورتده اختيار سكوت ايدلمكه تأسس ايتمش اولان جمعيتلره تطبيق ايديله بيليردى . اجتهاد محاكم متن موجود اولمديغندن دولايى بونى يابه معله برابر يالكز عاقدسندن برينك اضرار ايدن سكوتنه حيله فكريى ممكن اولدينى قدر تشميل ايتدى .

۴۹ -- بصورتیه فساد رضایه متعلق اولان بومهم اجتهاد عقدك اخلاقیدکی فکر مایتنی اظهار ایدیور . محاکم اظهار ایدیلن اراده نك قوتی اولچمز . بو فکر مسلک فکریدر . اوصاف اصلیه ایله اوصاف عارضیه یی ، اساسی حیلہ ایله تالی حیلہ یی وجوده کترین بواولمشدر ، بالآخره ، آلمان مساعی فکریه سیله ، درونی اراده ایله ، اظهار ایدلمش اولان اراده نك تفریقده تکامل ایتمشدر .

محاکم ساده جه ایکی انسانی محاکمه ایدر ، بریسی آلداتمش ، آلداتلمش ویا اکرام ایدلمش اولدیقدن دولایی محتاج حمایه اولاندر ، بو حمایه تأمین ایدیله بیلیر ، آنجق شکایت ایدیلن قنالق ، کندی خطاسنك ، دیکرینك مشروع قوتنك نتیجه سی اولماملیدر . وحق بونلرک نتیجه سی اولمہ نیجه ، دیکرک ضررینه اولارق حمایه ایدلمسی لازمدر .

اجتهاد محاکم ، بطلان دعواسنك جریانسه مساعد اولان احوال وقيود دولایسیله یالکز بونیجه یه وارمش نکلدر ، بوکاعدک ابطالیه مسئولیت جزائییه ده ادخال ایتمشدر ، و ۱۳۸۲ نجی ماده نك تطبیقی سایه سنده ، دیکر طرفک حمایه سی ضرورتیه ، دوچار ضرر اولان وضع و تقصیری بولنمیان عاقد لهنه تضمینات حکم ایده بیلیر . بو تطبیقات ایله فساد رضا نظریه سنده اینجه فرق لر حصوله کلشدر ، بوده عینی فکر اخلاقیدن ملهمدر . بواحلاقی ملاحظات ، دوچار فساد اولان اراده نك وسعی حقنده کی روحی تحلیل لردن دهایی صورتده بونظریه یی تنویر ایتکده در . حاکم اراده نك قوتی علمی بر طرزده اولچمز . بوراده موضوع بحث اولان مادی physique بر مسئله دکل اخلاقه حرمتدر .

اهلیتسزلکک تطبیقاتیه نصفه

- ۵۰ اهلیتسزلکک تنظیمنك وصف عملیسی — ۵۱ مفرط و مبالغه لی وجائبك تنزیلی —
 ۵۲ صغیرک معاملاتنك ابطالی ایچون غبنك ضرورتی — ۵۳ عقودده اهلیتسزلرک حیلہ سی —
 ۵۴ اخلاقی فکر ایله عملی شکلک مایتنی

۵۰ — عاقدیندن برینک دائمی بر ضعف فکری حالندن تولد ایدن دونیق حقنده واضع قانون ثابت بر حقوق اهلیتسزلک قاعده سی وضع ایتمشدر . اهلیتسز ، اهلیتی حائز بر شخص طرفندن تمثیل ایدلمش ، مأذون قیلنمش ویا رفاقتنده حائز اهلیت بر شخص بولمه لیدر . بواهلیتسزلکی و بوحمایه یی تنظیم ایتک ایچون اهلیتسزلرک حمایه سنی ممکن اولدیغی قدرایی بر طرزده تأمین ایتک و عینی زمانده ، اهلیتسز ایله اجرای معامله ایدن اشخاصه تأمینات ویرمه ک خاص اولان ارددقجه قاریشیق قاعده لری ترکیب ایتک لازمدر . بو قاعده لر ،

معاملات حقوقیه بی ماهیتلرینه و درجه اهمیتلرینه نظراً مطرح نظر ایدرلر ؛ اساساً بر چوقلری عنعنه دن تولد ایدن اهلیتسزلك تطبیقاتی واردلر .

بو تطبیقی قاعده لری ایفای وظیفه ایتمکده سربست بیراققدن بشقه یاپیله جق برشی یوقدر کی کلیور . عقدک اخلاقیلکی مسئله سی آنجق حائز اهلیت اولان شخصک کندن فرقلی بر صورتده موضوع بحث ایدیله بیلیر کی کورونیور . اکر بو عمومی بر صورتده دوغری ایسه ، اهلیتسزلكلرک تنظیمنده فکر اخلاقینک بر نفوذینی همان اشارت ایتک لازمدر . قانونی قاعده عمومی اولدیغندن دولایي بعضاً یا کاش اولور ؛ فنا ویا فضله حمایه ایدر . اهلیتسز اولان شخص بعض احوالده مدافعه سز قالیر . احوال سائرده قانونی حمایه دن بغیر حق مستفید اولور . حاکم اهلیتسزلكلر خصوصنده بر آز نصف تأمین ایتک ایچون مداخله مجبوردر .

بو فکره مربوط اولان نظریه لر اوزون اوزون ایضاح ایدلک احتیاجندن وارسته قاله جق درجه ده معلومدر ؛ بن بونلری ، موقعلرینی اشارت ایتک ایچون خاطر لاتمقله اکفا ایدیورم .

۵۱ — اول امرده قودسیویلک چوق الاستیکی اولان صغیر مأذون طرفندن عقد ایدیلن مقالواتده مفرط وجائبک تنزیلی حقنده کی ۴۸۴ نجی ماده سنک احتوا ایتدیکی قاعده بی اشارت ایتک لازمدر . محاکم وجیهه نک ماهیت مفرطه سی نظر اعتباره آلیرلر ؛ بونی تعیین ایچون یالکز کوچکک ثروتی ، تصرفک معتبریتی نظراً اعتباره آلازلر . عقدک درجه اخلاقیتی تدقیق ایچون آجیق قبو اولان «صغیرایله عقد مقاوله ایدنلرک حسن نیت وسوء نیتلرینی» نظر اعتباره آلمغه مجبور اولشلردر .

قاعده ، کندیسنه چوق واسع برشمول ویرن محاکمک اندیشه لرینی تطمین ایتشدر . محاکم بوقاعده بی مملک فنا اداره سنه قارشی ، اهلیتسزی حمایه ایدرک مطلق صورته نظر اعتباره آلمان اداره بی تجاوز ایدن معاملاته و ممثل قانونینک یادیفی معاملاته تطبیق ایتشلردر . بر اجتهاد اسراف دولایسیه اهلیتسزلكک خصوصیتی حائز بر اهلیتسزلك اولدیغنی بالا اختیار اونوته رق بونده ده مفرط وجائبک تنزیلی قبول و مشاور قانونی بی مسرفی حمایه ایچون دعوی اقامه سنه مأذون قیلیور . بو اجتهاد ، تماماً نصف فکرندن ملهم اولمق اعتباریله شایان حیرت اوله جق قدر جسورانه در ، و کندیسنده کی پره توریه ن صفته اوزون مدتدنبری اشارت اولتمقده در .

۵۲ — اهلیتسز لکک رک توسیع و تشمیلی ایضاح ایتمکده دها فضله اویالانیه لم. هر نه قدر عدالت فکر اخلاقیسی بوتشمیله ییانجی دکلسه ده ، آنجق ایکنجی درجه ده تجلی ایدر ؛ زیرا اهلیتسز لکک مؤسسه مدنیسی بردن زیاده سببه ایتنا ایدر .

مشغول اولدیغمز نقطه نظر دن ، حقوق قاعده سی حائر اهلیت اولیان شخصک مفراط بر حایه سی اوله رق تظاهر ایتدیکی زمان ، عدم اهلیتک دوچار تعدیل اولسی دها شایان دقتدر . حائر اهلیت اولیان شخصک ضعفی تلافی ایچون کندیسنه ویرلمس اولان بر شی غیر مقبول بر مجادله جهازی شکله قلب ایتسی آرزو ایدلر . قودسیویل ۳۰۵ نجی ماده سنده صغیرک و صیسنک یامسی لازم کلیر کن بالذات کندیسنک یابدینی معاملاتک ، غینک موجودیتی اثبات ایدیه مدیکه تقدیرده ، ابطالی قبول ایتمه مکله بو قاعده یی وجوده کتیر مشدر . بو قانونی قاعده اکثریتله صغیر ایچون بر تدبیر حایه کار اوله رق ذکر ایدیلر . مع هذا ، بو کون بو قاعده صغیرک حقوقی اهلیتسز لکک تعدیل ایتمکده در . فقط کافی درجه ده وضع بر رضا اظهار ایده بیلن صغیر ، عقد ایله مضون اولماش ایسه حایه قاعده قانونیه سندن استفاده ایتمه ملیدر . اجتهاد محاکم ، ککک تصادفی اولسی اعتباریه غین نظر اعتباره آلمیان بر عقدی ابطالدن امتناع ایتک صورتیه اولسون ، کککسه مقاوله نک آنجق غنی تبین ایدن موادی ابطال ایده رک مقاوله نک موادی آیرمق صورتیه اولسون ، بو قاعده یی سربست بر صورتده تطبیق ایتمکده در .

دیگر طرفدن احتوا ایتدیکی قاعده نک منفی شکله رغماً قودسیویلک ۱۳۱۲ نجی ماده سی حائر اهلیت اولیان شخصه ، عقدک ابطالدن صوکره ثروتی تزید ایدن شیئی اعاده ایتک وجیه سی تحمیل ایتشدر . سوء نیتله اخذ ایدن اهلیتسز حتی مال دوچار ضایع اولسه بیله اعاده ایله مکفدر . بوراده اهلیتسز حایه قانونیه دن استفاده ایده مز و بر حایه دن سوء نیتی دولایسیله محروم اولور . بلا سبب ویریلن شیئک استرداد یی ضمنتده عقد متعلق اوله رق اقامه ایدیلن دعوی ، حائر اهلیت اولیان شخص شایان حایه اولمدیغدن ، اهلیتسز لکک نتایج شدید سی تعدیل ایدر .

۵۳ — اساساً بو ، اهلیتسز لکک حبسیله بطلانده مسئولیت جزائییه نک وجه لرندن بری اولوب دها شایان دقت اولان دیگر لر یی ده واردر . اجتهاد محاکم مقاوله ده حائر اهلیت اولیان شخص طرفدن ارتکاب اولنان حیل یی تعقیب ایله ، مقاوله نک محافظه سنک حیل دن متضرر اولان شخصه مشروع بر تعویض اولدینی نظر اعتباره آله رق عقد خصوصنده کی اهلیتسز لکی رفع ایدر .

قودسيويك ١٣٠٧ نجى ماده سى برصغرى حائز اهليت اولديغى حقنده يالان بيانده بولنديغدن دولايى معاتب طوطمه مقله بوفكره بك مساعد كورونمه مكده ايسده ١٣١١ نجى ماده دن استفاده ايدرك و ١٣٠٧ نجى ماده نك مقصدى «ساده بر بيان» اولديغى فكرينه استناداً محاكم صغيرك حيله لى مانوره لرني تجريم ايتمشلر وعينى صورت حلى مسرفه ده تطبيق ايتمشلردر .

عيني قاعده ني اولى قادينده تطبيق ايدرك بونك حيله لى مانوره لرله حركت ايتمكه برابر ، اولى قادين اولمقدن تولد ايدن اهليت سزلكندن استفاده ايتمسه مساعده ايتمه مشدر . بعض قرارلر دها ايلرى كيتمكه در : ١٣٠٧ نجى ماده نك صغاره مخصوص اولديغى بيان ايله ، اولى قادينك طول ويا مطلقه اولديغى موصوف بر يالان ايله افاده ايدرك اشخاص نالته يي صغيردن دها قولايقله الداته بيله جكنى وقادينك بو ، اهليت وار ، صورتنده كى كاذب بيان نك بر جرم اولديغى تبين وبوقادينك عقد ايتديكى مقاوله نك ابطالنى طلب اينك حقنى رفع ايدرلر . بوصورته ده او قادينى سوء نيتدن دولايى تجرئه ايتمش اولورلر .

٥٤ — بتون بوقاعده لر ، يكي دن ، تفرع ايله تشرېح ايدلمكدن وارسته قاله جق درجه ده معلومدر . مقاوله نك اخلاقى كى نقطه نظرندن يالمش اولان مساعى يى اشارت ايتك ايچون بوقاعده لرى بوراده ذكر ايتك ايجاب ايدر . مجرد عدم اهليت قاعده سى بعضاً چوق غيركافى ، بعضاً چوق شدتليدر . على الخصوص بوقاعده غايه سنى آشدنيغى وقت تطبيقده تحديدى ايچون استعمال ايديلن وسائلى تدقيق ايتك مراق آوردر .

طرفيندن برينك ضعفى حمايه قاعده قانونيه سنك ، اهليت سز باتريموانى مسعود بر طالع ايله تزويد ايتمش اولديغدن دولايى بي فائده اولديغى احوال واردر . قاعده نك فائده كورونديكى احوال ده واردر ، چونكه اهليت سز اولان شخص مقاوله ده فعال ومجرم بر قوت اظهار ايتمشدر ، ديكر طرفى حيله لى مانوره لرله كنديسيه عقد مقاوله يه سوق ايتمشدر . بو حيله كار قوت جزاسز قالمليدر . مغدور اولان حائز اهليت اولميان كيمسه دكل ، اهليت سزك مانوره لريله عقد مقاوله يه سوق ايدلمش اولان شخصدر . اهليت حائز اولميان شخص ، مقاوله نك ابطالنه مساعده ايدلمه مكله ، قوردنيغى طوزاغه دوشرو حيله كارلغنك جزاسنى چكر . اساساً بوكى ملاحظات اخلاقيه ، بوراده مؤسسه نك تشكيلات تطبيقه سى برنجى موقعى اشغال ايتديكندن ، اهليت سزلك خصوصنده آنجق درجه ناليه ده بررول اوينار ، حيات اقتصاديه ده تكامله دعوت ايديلان اهليت سزك حالى تثبيت ايتك اعتبار عمومى منفعتنه

ضروری در اهل تسنن لکک اعلانی تأمین صورتیه اشخاص ثالثه بی بوحال دن خبردار اتمکده کذا ضروری در . مع هذا هر زمان اعتبار ملاحظات اقتصادی سنه ترک نفس ایدیور و اخلاقی ملاحظه لر هیچ دکلسه قسماً فدا ایدیور .

۳ التواقی مقاوله لر Les contrats d'adhésion

۵۵ التواقی مقاوله لر تسمیه ایدیلن مقاوله لر - ۵۶ بومقاوله لرده اراده مفهومک تحلیلی - ۵۷ بومقاوله لرده مساوات فکری - ۵۸ . التواقی مقاوله لر حقنده کی قلاسیک فکک تنقیدی - ۵۹ بومقاولاتک تضمن ایتدیکی نفوذ اقتصادینک سوء استعمالی - ۶۰ احکام قانونیه تک واجتهادات محاکمک وجهه سی .

۵۵ - قودسیویل عاقلدرک ضعفه قارشی برآز خشین اولان اهل تسنن لکک نظریه - سندن ویا خاطرلی برتدیر اولان رضانک فسادلری تدبیرندن بشقه بر چاره بولاماش ، مدرک واهل اولان هرعاقلک کندیسنی بالذات مدافعه ایده بیله جکی شهه سز عدا یتمشدر . شعوری ویا اختیاری رضا آره سنده ، فساد ویا عدم رضا بیننده نامتناهی درجات موجود دکیدر ؟ اراده تک تحلیلنده قودسیویل محررلرینک کوستردکلرندن دهافضله الاستیکیت کوسترمک ومقاولات آره سنده اراده تک قوته مستند بر فرق وجوده کتیرمک لازم دکیدر ؟ بعض مقاوله لرده طرفینک وضعیتی عاقلدردن برینک دیکری طرفندن کندیسنه ایجاب والزام ایدیلن قیود وشرایطی قبوله مجبور اولمیدر ، بومقاوله لر التواقی مقاوله لر تسمیه اولور .

کله ، همده معناسی بلکهده موجود اولمیدیغندن دولایی ، وضوح ایله تأسس ایتهمش اولدینی حالده ، موقع قازاندی . سالی ، ظن ایدرم ، بوتعیرک موجدیدر . بوحقوق فکرلر دهای اختراعاتکاری فکرینی دائماً وضوح ایله افادهیه موفق اوله مامشدر . اوندن صوکره بوکا چالیشانلرده ، بومقاولانه برماهیت مخصوصه ویرن عنصر اساسی بی واضیحاً میدان چیقارمقسنزین التواقی مقاوله لر صنفلری وجوده کتیردیلر .

بومقاولاتی تبارز ایتدیرن شیء عرضک التواقیه تقدیمی اولمیدینی کبی ، التواقی طرزیده دکلدر . زیرا بر جوق مقاوله لرده طرفیندن بری دیکرینک اراده آمرانه سنه ساده وبسیط برشکلده التواقی اتمکده در . اوحالده تماماً بشقه برشی بولمق لازم کلیور . بعضاً ، هرکه ومعین بر زمان ایچون عرض ایدیلن بومقاوله لرک عمومیلک وثابتلک وصفی اوزرنده اصرار ایدیور ؛ بعضاً بونلرک ثابتلک ونیم شکللیک صفتنه ، مقاوله ماده لرینک

بركل حالنده عرض ايدلسنه جلب دقت اولنيور ؛ بعضاً مقاوله نك آرقه سنده كيزله ن خدمت عموميه اشارت ايديليور و بر صاحب امتيازك وضعيتى عموم ايله عقد ايتديكى مقاوله لر آره سنده كى ممزوجيت ايله برابر ، منفعت خصوصيه خادم بر خدمت عموميه اولديغى ادعا اولنيور .

بو ، سيفورطه ، سى ، نقلات ، صو ، غاز والكتريك توزيى مقاوله لرينه تطبيق ايديلان ، خدمت عموميه صاحب امتيازى نك عقد ايتديكى مقاوله لر ايله ، سيفورطه جيلر جمعيتى ، برلشمش اولان مجهزلى ، بر قطعه ده ويا بر شهرده چوق نافذ اولان سرمايه دارلى ايضاح ايتك ادعاسنده بولنان چوق مبهم بر فكردن عبارت اوله بيلير و فكر مبهم اولديغى تقديرده نتايج حقوقيه سى نصل اولورده فوق العاده قارشيق اولماز ؟ بونده حقوق بر تلقيدن زياده بر تمايل موجود دكليدر ؟

۵۶ — مع هذا بوتلقى بي اراده نك تحلىلى اوزرينه بنا ايتك آرزو ايدلى . التحاق رضايه تعادل اتمز . بر مقاوله يه رضاداده اولمق مقاوله نك موادى طرف ديكرله آز چوق چكيشه چكيشه بازارلق اولندقدن صوكره يكديكرينى تعقيباً تنظيم و تحرير ايدلمكه اولور . التحاق ايتك ، موجود مقاوله يه تابع اولمق ، الزام ايديلن خشين قانونه قارشى قلباً عصيان ايدره ك اراده سنى اكمك ديمكدر . بويه بر مقاوله ده ، بالذات مقاوله نك ماهيتدن منبعث اولان بر نوع فساد رضاواردر . بو حقوقى معامله ده عقدى ماهيتى حائز نه وار ؟ حقيقتده بو بر اقتدار مخصوصك افاده سيدر . يالكز التحاق ايدن شخصك فعل اراديسى ديكر طرفك تطبيق ايديه چكى قانونك تنظيم ايتمش اولديغى وضعيته كيرمكن عبارتدر . التحاق ايدن كيمسه طرف ديكر ك اراده سنك حاكم اولديغى دار بر جنبه كيريور . فقط بو فعل ارادى يى اظهار ايتديكى زمان عقد مقاوله ايتك ضرورتى ايله زبون اولمشدر . اوكا ، سن ايسته ك ديمك خوشه كيتيمه جلك اولان بر شاقادر . سياحت ايتمه مك ، سيفورطه اولماق ، صو ، غاز ، الكتريك استعمال ايتمه مك ، عمومه مخصوص وسائط نقليه يه ينمه مك ، ديكرينك تحت خدمتنده بولنمه مق نصل ممكن اولور ؟ عقد مقاوله ايتمه مك ممكنيدر ؟ مادام كه اويله ايسته نيور ، اراده ديهلم ، فقط ضعيف براراده ، حقوق مدنيه يه نظراً بو اراده نك فاسد اولماسى ايچون بوده كافيدر .

دوغريسى آرانيرسه ، بو محاكمه يى صوك نتيجه سنه قدر ايصال ايتمه ويالكز مقاوله نك ماهيتك فساد رضايي تضمن ايتديكى اعلان ايتمه هيچ كيمسه جسارت ايدمه مدى بو ،

يك جوق واک مفید اولان مقاوله لری ابطال ایتک اوله جقدی . هیچ دکلسه حاکمک
تفسیر صلاحیتنی توسیع ایچون رضاک بووصف مخصوصندن استفاده ایتک ایسته نیور .
اجتهاد محاکم ، عقد مقاوله ایدرکن علمنک لاحق اولدینی ویا لاحق اوله بیله جکی موادک
مدیونی ملزم اولدینی تقریر ایتکده در . فقط مقاوله یی ماهرانه بر صورتده تفسیر ایله
مدیون ، بیلدیکی تقدیرده قبول ایتیه جکی ماده رعایتدن معاف کوروله بیلیر وبوصورتله
مقاوله نك بعض موادی تعدیل ایدیه بیلیردی .

۵۷ — بواراده نك تحلیلنه استناد ایدنجه ، التحاق مقاوله لر نظریه سی عقامته اوغراردی .
فرانسز اجتهاد محاکمی ، آنجق مقاولانک برصنف مخصوص ایچون ، التحاقک رضایه
تعادل ایتدیکنی سوبیه بیلمشدر . اک بیکی مؤالیر بوفکره يك مساعد کورونمز لر . محتشم
اولدینی ایچون قبول ایتدکلی تعبیره ، بعض مقاوله لرده رضالک مبادله سی اویونی اتمام
ایده رک ، هیچ بر قیمت حقوقیه عطف ایتمز لر .

قودسیویل محرر لری بعض مقاوله لرده طرفیندن برینک تماماً قدرتلی و نافذ اولدینی ،
لسان جاری به کچمش اولان اسکی بر تعبیر ایله « قانون یابدینی » بیلیمور دکلر ایدی . بر
اراده نك بونفوذ راجحنی تهلکه لی کوردکلی زمان ، نسبی اهلیتسز لکلر احداث ایدره رک
ساده جه مقاوله یی منع ایتدیلر : زوجین آره سنده صاتش وهبه ، وصینک صغیرک اموالنی
اشترا ایتسی کی . بومنعوتلر سربستی عقد قاعده سنک استثنالیردر . سائر احوالده عقد
مقاوله ایتک ضرورتی نظر اعتباره آلتما شدر . اگر اراده مشعور وحر ایسه تابع اولمش
اولسنک اهمیتی جزئیدر . شه سز ، صاحب امتیاز لر ، نقلیاتیلر ، سیغورطه جیلر ، پاترونلر ،
فعلاً و حقوقاً بر انحصاره مالک اولانلر لایتغیر اراده لرینی متصلب بر شکلده بروجه پشین
تثیت ایدر لر . فقط حقوقاً سیاحلر ، اشیا نقل ایتدیرنلر ، سیغورطه ایدیلنلر ، عمله مساوی
بر قیمتی حائز اولان رضالرینی اظهار ایدر لر . مقاوله نك تشکیلی ایچون قانون ایکی رضا
طلب ایدر ؛ اراده رک قوتی بر مقیاس قوی ایله اولچمز .

التحاق مقاوله سی نظریه سی بر عصر دنیوی وحتی انقلابدن اول ، مؤسسات مدنییه مزده
بیوک بر قوتله اجرای تأثیر ایدن عالی مساوات حسندن ملهم اولمش کی کورونیور .
مقاوله نك مساویلر آره سنده بر مناقشه نتیجه سی اولدینی قاعده اوله رق وضع ایدلمشدر .
اوزون زمان نظری و مجرد ، مبادله رضا ایله تظاهر ایدن مساوات ایله اکثفا ایدلمشدر ،
بعده فکر مساوات قوتله تحقق ایدره رک مساوات حقوقیه آلتنده فعلی عدم مساوات

کورولمشدر . مدنی و سیاسی مساوات اساسی مجادله صنوفه مانع اولمادی ؛ عقدی مساوات اساسی ضعیف اراده لرك مطالبنی بر طرف ایتکه کافی کلپور . اک ضعیف اولان شکایتنی حاکمه و واضع قانونه اسماع ایدیور .

۵۸ — اراده ضعیف اولدیغندن دولایی حمایه سی لازم کلش دکدر . ضعیف اولدقاری ایچون حمایه ایتک بیانی برده موقراسی فکرینه قربان اولمقدر « نااهل لرك فقری ، تدبیر و احتیاط سزلرك فلاکتی ، تنبل لرك سقالتی » حقنده سبه نسرک آجی سوزلرینی تکرار ایده جک دکل ایسه کده بر مقاوله ده حاکمک دائما و ضروری اوله رق اک ضعیف اولان عاقد لهنه اعطای حکمه دعوت ایدلمسینی ده ایسته میورز .

اول امرده نه یاپمالیدر ؟ کیفی بر اراده ایله مناسبات اجتماعی تشویش ایدن مقاوله نك موازنتنی اخلاص ایدن موادک غیر قابل تطبیق و دیگر لرینک قابل تطبیق اولدقاری سوبله لرك مساواتی و خیری تأسیس ایتلی میدر ؟ بودوا پک کوتو بر شی اوله جقدر ؛ احتیاطکار حاکمک بویه بر صلاحیت طلب ایتمه مشلدر .

حق بوصولیتک حاکمه بخش ایدلمس اولدینی قبول ایدلسه بیه بونی حاکم نه صفتله اجرا ایده جقدر ؟ عاقد لرك عدم مساواتی ، بو عدم مساوات مقدر و بتون مقاوله لرده موجود اولدیغندن ، بذاته داعی شبهه دکدر .

هرشی نظر اعتباره آنسه ده التحاق مقاوله لر دیگر لرندن دها زیاده مطاع کورونمکده در . اولن لرك خطوط بارزه سنی تخطر ایده لم ، عمومیلک و ثابتیت وصفی حائر درلر . بو ، موجب عقد مقاوله ایتک خصوصنده کی شرائطی واسع صورتده عرض ایتسی خطا و حبله احتمال لرینک آزالدیغنی اثباته کافی کلزمی ؟ محتواسنده متصل اولمسی ، طرفیندن برینک مقاصدینی کتمه خادم اولان دولامباجلی مواددن دهایی دکلیدر ؟ بر خدمت عمومیه نك اجراسنه متعلق اولوب بو خدمت منفعت خصوصیه خادمدر و دومو عک دیدیکی کی بو کیفیت مقاوله نك مفیدیتنی تبارز ایتدیر . مقاوله یی الزام ایدن منفعت خصوصیه و افرادک کیف و ارزوسی دکدر ؛ بو بر خدمتک اجراسنک ضرورت اولیه سیدر .

مقاوله یی دها یقیندن تدقیق ایده لم : ایجاب ایدن شخصک اراده سی ده التحاق ایدن شخصک اراده سی کی تابع و مقیددر . مقاوله سنک شرائطی کیفک ایتدییکی شکلده وجوده کتیر مکده سربستمیدر ؟ هیچ بر وجهله ؛ اودخی بعض شرائط داخلنده عقد مقاوله ایتکه مجبور ایدن اقتصادی قانون لرك نفوذینه معروضدر . حق اداره قوتیه

حرکاتی تقیید ایدلمدیکی زمان دخی تشبثی یا شاتمق ایچون عقد مقاوله ایتمهکه مجبوردر . رقیب منافعه مقیددر . کندی خط حرکتی، مقاوله سنک شرائطی، محصول و یا خدمتک بدلنی الزام ایدن بر زمره به داخلدر . بعضاً وضعیت برعکس اولور . دیگر التحاق ایدنر ایله اتحاد ایتش ، صفلرک برلشمسیله قوت وجوده کتیرمش اولان اصل التحاق ایدن شخصدرکه ، نفوذ و صلاحیتی توزین و یا کسر ایدیلن نقلیاتجی و یا پاترونه ایستدیکی شرائطی قبول ایتدیرر . حقیقته ، بوالتحاق مقاوله لر دنیلن شیلرده ، بوجه یشین مغلوب اولان دائماً التحاق ایدن شخص دکلدر .

٥٩ — فقط التحقاق ایدن مغلوب اوله بیلیر ، علی الا کثرده بویهدر ، وایشته بودرکه حقوق شناسک نظر دقتی جلب ایدر . شهبه سز ضعف قوتله تأسیس مناسبت ایتمهکه کنهاکاردر . اکر طوپراق چناق قیرلدی ایسه ، بوندن دولایی دمیر چناعی اتهام ایتمهکه سبب نه ؟ مناسبتک مجبوری اولماسی لازمدر . مقاوله بی داعی ظن بر حالده کوسترن طرفینک عدم مساواتی دکل ، بوعدم مساواتدن منبعث اوله بیله جک اولان سوء استعمالدر . او حالده التحاق مقاوله لره طوپ یکون بر اعتماد سزلق موضوع بحث اوله مامالی ، بالعکس بو مقاوله لرده کی عمومیت ، ثابتک ، صلابت ، بونلرک تأمین ایتدیکی فوائدک اُک صاعلام تأمیناتیدر ، حتی بونلرده تشکل ایتش و یا تشکل ایتمهکه بولمش اولان مؤسسات ونیم خدمت عمومیه موجود اولدیفی بیان اولنه رق ، قیمتلری دوبالا ایدیلیر . تأید ایدن دیگر اراده لری کندیسنه جذب ایدن اراده بر مملکتک حیاتی ایچون الزم اولان نفوذ اقتصادی بی تمثیل ایدر .

منع ایدلمسی لازم کلن بونفوذ اقتصادیکنک سوء استعمالاتیدر . سربستی عقد محصولات و خدماتک مبادله سی اک محق و مناسبات اجتماعی بی اک ای تسهیل ایدر شکله کوروندکجه تصدیق ایدلمشدر . اکر بعض احوالده بو سربستی قویلرک ضعیفلری غیر محق صورته استثمارینی موجب اولورسه کسر ایدلمیدر . بوالتحاق مقاوله نک ماهیتاً داعی ظن اولدیغندن دولایی دکل ، بالعکس مقاوله اولدیغندن دولاییدر .

ارتق مقاوله بی تطبیق ایله مکلف اولان حاکم طرفندن مقاوله نک موادینک آزچوق کنیش و یا دار تفسیرنده بومسئله نک صورت حلنی آرامق بیوده اولور . بویولده ، قورقنچ بر کیفیلاک وجوده کتیرمش اولق اتهامنه معروض قالمق سزین ، دها ایلری کیدیه مز . نفوذ اقتصادیکنک سوء استعمالاتی منع ایتک واضع قانونه عائددر ، و واضع قانون بوندن

خالى قالمش ، مثلاً ، سعيه متعلق نظامات سعى بشرى سربستى عقده ترك ايديله ميه جكي فكرندن حصوله كلسدر و بو تنظيمات اكالده ايديله جكدرد . مثلاً سيغورطه لر حقنده كي بر قانون انتظام عامه ميه متعلق قواعدى مفيد صورتده تثبيت ايده بيلير ؛ بوندن بشقه نقليات بحريه ده بين الملل مقاولاته مراجعت ده ايديله بيلير . بونلر مداخله نك اشكال مختلفه سى اولوب سبب دايما عينيدير .

٦٠ — بوراده ، مختاريت اراده اساسندن حركت ايديلديكندن دولايي ياكلس بريول تعقيب ايديلديكي كوروليور . مقاوله اوصورتله مطاع عد ايديليور كه ، بر معامله يه تماس ايتك ايجون ، بونك بر مقاوله اولمديغنى اثبات ايتمكه ايشته باشلامق ايسته يور . التحاقك اختياريلك وصفى سيلمكه ، اراده نك تابع اولديغنى ، رضائك على الدوام فاسد اولديغنى كوستر مكه واران التحاق مقاوله لر حقنده كي بومطالع لر و بو ادع لر بوندن انبعث ايدييور . بو تحليل البته شايان تأسف نتايج توليد ايتمكدرد . بو مقاوله لرك داعى ظن اولديغنى سويلنه سويلنه كندندن بي خبر اولان برضعفه معاونت ايتك آرزو سندن ملهم تنظيماته قدر كيدلى . مثلاً نقليات بريده ده عدم مسئوليت شرطلرينى ، بو مسئوليتى ناقلك قبوله مجبور اولديغنى وسيله سيله منع ايدن واقتصادى نقطه نظر دن ايني بر قانون اولان ١٧ مارت ١٩٠٥ تاريخلى قانون كى . پاترونك الزام ايتديكى نظامه عمله نك تابع اولمق مجبوريتنده بولنديغنى وسيله سيله فضله سعيك تنظيمى ده بعضاً عمله نك ضررينه اولمكدرد . مسلكك ، بو مقاوله لرده حقيقى اراده موجود اولمديغنى اساس اوله رق وضع ايتمش اولديغندن ، بو كى تدابير ده حصه مسئوليتى واردر .

منع ايدلمسى لازم كلن يكانه شئ مقاوله ايله سفالت وضعفك استثمار ايدلمسيدير . نقلياتده عدم مسئوليت شرائطى آنجق بوشرائطى الزام ايدن ناقل شرائط خصوصيه يه راضى اولمديغنى تقديرده سوء استعمالدر . پاترونك بر عمليه فضله ساعت مساعى الزام ايتمسه مساعد اولان دارالصناعه تعليماتى اكر پاترون بوفضله مساعينك بدلنى تاديه ايتيورسه استثماردر . بزبو صورتله سربستى عقد نظريه سنه حاكم اولان غبن مسئله سنه وارمش اوليورز .

غبن

۶۱ — غبن مسئد سنك اهميتي رغبتك ماهيت اضداد قيسی

۶۱ — مقاله ده اخلاق ايله حقوقك مناسباتی دولایسیله میدانان چقان اك اهمیتی مسئله شه یوق كه غبن مسئله سیدر ؛ یو چوق مشهور و بلكه ده اك غیر قابل حل اولان مسئله در . ايلك او كجه چوق بسیط كورونور سه ده صو كره لری هم غلبه سی تأمین ایدمك ایسته نیلن فكر عدالت هم عدالتك تطمینی امکانی معضلیت كسب ایدر . اویله كورونیور كه یونده رنجیده ایدیلن نصفتك ایدی مطالبی واردر و احكام موضوعه عقدی عدالتسزلیکی تلافییه مقتدر اوله مقسزین بوشكایتی ایشیتمكه متألدر . هم بوراده ده عدالت دعواسی ايله ضعف دعواسی قاریشدر برمه مق و قیمتی اولچمكسزین هیچ برشكایته قولاق و برمه مك لازمدر . مقاله مك بو حقسزلی اوزون زمان وار كه استنار و مرابجهیه قارشى بحق بر عصیان ايله اعلان ایدمكدهر ؛ « بومفترس فسادی » کلیسا شدید صورتده محكوم ایتمكدن بر آن خالی قالمادی . رفاه تجاری دورنده اعتراضات سكونت بولور ؛ ثروتك بولانی ، ثروته مالك اولانلرك بونك بوتون ثقتنی حس ایتمه لرینه مانع اولیور . بحران و دارلق دورلرنده شكایت دها شدید ودها مؤلماندهر و داثماده غیر كافی تدابیر ايله شكایت تسكین ایدمك ایسته نمشدر . عصرلر وار كه واضع قانونلر چوق صیتی بر اخلاقك امر ایتدیكى بر قاعده یی تأیید ایتمكدن قورقش و یاخود اخلاق قاعده سنك الاستیكى ثباتی تطمین ایده جك اولان بر قانون وجوده كتیرمكه بوش یره چالیشمش اولدق لرندن قانونی قاعده ايله اخلاقی قاعده آرمسده کی بو بر نوع تخالف تمادی ایتمشدر .

بوراده ، قیمت اخلاقیه مك تقدیرینك حقوق علمنه تماماً ادخالنده کی نیم عدم امکان و بلكه ده مفكورو ی قاعده یه اعطا ایدمك ایسته نیلن قسمی اطعشان ايله اکتفا ایده بيلمك لازم كلدیكى آچیقجه كورولیور .

مسئله مك وضعنده مشكلات یوقدر . هر بر عاقد ضعفی ، جهالتی و یاخود مضایقه یی حبیبله منافعی ای مدافعه ایده مه یی دیگر عاقد اوزرنده حاكم اوله رق مقاله ايله استحصال ایتدیكى منافعی مشروع صورتده استحصال ایتمش اوله بیلیرمی ؟ بالعكس طرفینك اکتساب

ایتدیکی شیلر آره سنده ، ماهیتلری نه اولورسه اولسون برتعادل بولمنی لازم دکلیدر؟
ومقاوله لرك حقسنلنی اکتساب اولنان منافعلك عدم تناسبندن ایلری کلزمی ؟ اکر
غبین مقاوله نك ابطاله سبب عد ایدیلیرسه ، بو یالکز مقاوله نك تحلیلی ایله ، فداکارلقلرك
توازی ایله منکشف اولور .

بو غبن مسئله سی ایلك دفعه اخلاق خریستیانی طرفندن موضوع بحث ایدلشدر .
بلکه بیع حقنده کی دیوقله سین مؤسسه سی ده یکی دینك قواعد اخلاقیه سندن ملهم اولشدر .
هر حالده ، مقاوله نك تدقیقنده کلیسا ارباب حقوقنك ایشی غیر محق تعدیاته مانع اولمقدر .
ادعا اصلا ده کیشمه مشدر . تطبیقانه مناسبات حقوقیه نك مطالبه ترك نفس ایتك لازم
کلنجه خریستیان مسلك مراجعیه قارشى ، بولکله اک کنیش معناسی ویره رك ، اتمامکار
بروضیت المشدر .

اخلاق خریستیانی ایله مقید اولیان دیکرلری ده ، مقاوله نك محصولات وخدماتك
مبادلہ سی سربسته تنظیم ایتدیکی بر جمعیت تصور ایتمشلر و « انسانك انسان طرفندن
استثمارینی ، طعن و ضروری حوایجك ، غیر منقولات کیرالرینك نرخ آلتنه آلمسنی ،
اصغری اجرت اعطاسنی طلب ایتمشلر و حقسنلنی مجهز بر حالده صاقلیان بواسکی حقوق
عقدیه بی بلا حرمت صارصمشلردر .

بو صورته ، ایکی مخالف پارتی ، غبنه دوچار ایدن عقوداتك سربستیسنه قارشى ،
رفع شکایت ایدرلر و حالاً اولدینی کبی ، قزانجك کوچلکی ، سیه کولاسیون آرزوسی ،
خدماتك تجاریلشدیرلمسی منافعی شدید بر صورتده مجادله یه سوق ایتدیکی مشوش حیات
اقتصادیه دورلرنده اعتراضات ده شدتلی اولور و غبن مسئله حقوقیه سی بر صورت حل
طلب ایدر .

۱ - قانونی صورته

۶۲ قودسیویلده غبن ، صایتش - ۶۳ حقوق مدنیه جیلر طرفندن غبنك تنقیدی -
۶۴ قوددن صوکره کی احکام قانونیه - ۶۵ غبن حقنده کی اجتهاد محاکم - ۶۶ حربدن
بری بومسئله حقنده کی حرکت فکریه .

۶۲ - قودسیویل غبنه بیانجیدر . عصرک اقتصادی و فلسفی تلقیلرینی افاده ایتك
ایتك ایچون غبنه ایله علاقه بی کسدی . حالبوکه ، ایچنده شوکوزل جمله بولنان بوتیه نك
وجائب حقنده کی کتابی آچق کفایت ایدردی . « نصف عقوداده حاکم اولمیلدر ،

بناءً عليه عاقدیندن برینك ویردیكنك ویا یا بدیغنك بدلی اوله رق برشی آلدینی مقاوله لرده برینك آلدانق ایچون هیچ بر حرکتده بولمادینی زمان ده دخی دیگرینك غبنه دوچار اولسی مقاوله نك فاسد اولسی ایچون بذاته کافیدر . زیرا نصف مساوات ایله قائمدر ، بومساوات خللدار اولدینی وعاقدیندن بری آلدیغندن فضله ویردیکی زمان حاکم اولسی لازم کلن نصفته قارشى ارتکاب قباحث ایدلدیگندن مقاوله فاسددر .

فقط مقتصدلر حریت عقیده یه وضع ایدیله جك تحدیداتك تجارت ایچون مشموم نتایج تولید ایده جکنی تدیس ایتشلر ایدی . لوق و بنام ، فیزیوقراتلر و تورغو بونقطه ده متفقدر؛ فرانسر انقلابی فائض حدنظامیسنی تعیین ایدن اسکی قاعده لری قالدیررکن مدنی مساواتی بیقدیغنی ظن ایتیموردی . قودسیویل محررلری ، مختاریت اراده اساسنی راجح قیلمق ایچون اسکی مسلك اقتصادى بی رد ایتلی ایدیلر . پورتالیس غبنك قبولی ایچون بیهوده یره نفس توکندی . ۱۱۱۸ نجی ماده غبن دولایسیله ابطالی آنجق چوق محدود بر دائره ده قبول ایتدی .

قاعده ، معلومدرکه ، بائعك لهنه اوله رق غیرمنقول صائیشنده ابطال دعواسته جواز ویرن بر استثنای حاویدر . خصوصی ماهیتی حائز معامله حقوقیه اولان و تام معناسیله مناسبت حقوقیه دن معدود بولنمیان تقسیمدن بحث ایتیمورم . غیرمنقولات صائیشلرنده غبنی قبول ایتك ایچون دیوقله سیه نك و برنجی قونسولك نفوذی ، غیرمنقول ملکیتنه قارشى کوستریلن مساعده کارلنی ، قوائم نقدیه نك ثباتسزلغندن صوکره فیاتلرک تقرر ایده جکنه قناعت ایدلمسنى حالا قبول ایتکمى لازمدر ، بتون بواپی سبیلره رغماً غبن دولایسیله ابطال یالکز بایع منفعتنه واون ایکیده یدی نسبتنده تثبیت ایدیلهرک ، قیریق دوکوک ، قبول ایدلدی .

۶۳ - مع هذا فلاسك حقوق شناسلرك تنقیداتی موجب اولان جهت پوتیه نك میدانه قویدینی قاعده نك ترك ایدلش اولسی دکلدر . بونلرك قودسیویل محررلرینی طعن ایتلری ، بالعکس غیر منقولات صائیشنده غبنی قبول ایتش اولملرننددر . اون طقوزنجی عصر اورتهلرنده مکتب سربستی بی کافی درجه ده تمثیل ایدن آ. ژوردان بو استثنایه مستحققرانه باقیور و ۱۶۷۴ نجی ماده نك قوسیویلك برلکله سى اولدیغنی «اعلان ایدیوردی . بوماده آنجق غبن دولایسیله ابطال دعواسنی مختاریت اراده مسلکله ادخال ایده رك مدافعه ایدیله بیلیوردی . غبن فساد رضانك تظاهری کبی کوسترلمشدر . فدا کارلنك

فضله لئی بایعک ضعف فکریسی ، یاپیلن جبر واکراهی ، مغدوری اولدییی حیلہ یی اظهار ایدیوردی ذاتاً فکر پوتیه دهده موجود اولوب قودسیویلک مساعی احضاریه سنده عرض ایدلمشدی . ظاهراً استثنائی اولان بو حکمی ایضاح ایچون بو فکری یکیدن آله آلق کافی ایدی . فساد آشکاردر ؛ بالذات مقاوله ایله ، وجائبک نسبت سترلکی ایله منکشفدر . ۱۶۷۴ نجی ماده دن دولایی برآزجانلری صیقلامش اولمغه برابر ، قلاسیک حقوق شناسلر بیعک بطلانی بو صورته اثباته موافق اولیورلردی .

دیگر خصوص صانده بونلر وضعیتلری نه قدر صلابتله محافظه ایتدیلر . دیگر هیچ بر بمقاوله ده غبن نظراعتباره آلتامشدر . مقاوله نظریه سی اوشکلده وجوده کتیرلمشدرکه بونده غبنک هیچ بر موقعی یوقدر .

مقاوله ده غبن ، مختاریت اراده یی مدافعه ایده نلره کوره ، منافع مجادله سنک مقدر بر نتیجه سیدر . واضع قانون حائز اهلیت اولیان کیمسه لره حمایه سی تأمین ورضالری دوچار فساد اولانلره رجحان تأمین ایدیور . دیگر لریده کندی کندیلرینه منفعتلری صیانت ایتسینلر . غبن تهلمکه سی حریتک فدیة نجاتیدر .

۶۴ — مع هذا ، برچوق کره لر واضع قانون بونی متأسفانه ترکه مجبور اولدی وابطال ایچون تماماً بشقه برحمایه واسطه سی ترجیح ایدرهک ، غبن دولایسیله بر مقاوله یی ابطال ایده بیلدی .

غبن دولایسیله ابطال ویا تنزیل حقنده یالکز ایکی قانون ذکر ایدیله بیایر . برنجیسی کوره صاتیسی حقنده کی ، قودسیویل طرفندن نظر اعتباره آلتان وضعیتی غریب صورته برعکس ایدرهک ، مشتری یی بایعه قارشى حمایه ایدن ۸ تموز ۱۹۱۷ تاریخلی قانوندر ؛ بوقانون بایعک همان دائماً حیلہ کار اولدییی فکرینه مستنددر ویالکز ، قدرت انتخابیه سی قانونک قبولنه ییانجی اولیان چفتجیه خادمدر . ایکنجیسی بحری معاونت و تحلیص حقنده کی ، معاونتدن دولایی موعود اولان اجر تلردن فضله سنک تنزیله مساعد بولان بر اجتهادی تأیید ایدن ۲۹ نیسان ۱۹۱۶ تاریخلی قانوندر ، بوقانون یالکز بحری معاملاته عائد اولوب مقاوله نك اثنای عقدنده کی تهلمکه لی وضعیتلری نظر اعتباره آلیر .

بالعکس تعهد اولنان خدمت ایله بدلك متناسب اولمدییی وضعیتلر ده سعی مقاوله سنک ابطالنه خادم اوله جق بر ماده یی مساعی قودینه ادخال ایتک تکلیفی هیچ بر موفقیت قازانمادی . بعض عمله لهنه ، علی الخصوص ، ۱۰ تموز ۱۹۱۵ تاریخلی ملبوسات صنایعی عمله سی حمایه ایدن قانون ایله اصغری اجر تی تأمین ایله مکله اکتفا ایدلدی .

فقط، خدمات و محصولات، بدل اشترا نرخه توافق ایتدیکی زمان غبنك كندی
 كندینه تظاهر ایده جکی بر اصول ایله نرخ آلتنه آلمقدن عبارت اولان تماماً بشقه بر اصول
 حقوقی واردی. پاره اقراضی خصوصنده ۳ ایلول ۱۸۰۷ تاریخی قانون فائض مقدارینی
 تعیین ایتدی. مقامات اداریه حوایج ضروریه ایچون دائماً نرخ اصولی استعمال ایتشدی.
 حال حربدن تولد ایدن وضعیت حسیله ذخائر ادخالی مشکلات کسب ایدنجه نرخ وضع
 ایدیلن اشیا مقدارینك چوغالدیغی کورولور. بوکونده بدلات اجاره نك مفرط صورتده
 تزییدی منع ایده جك بر اصول آرائمقده در. بوقانونی نرخ میانسه، امتیاز شکلی سایه سنده
 تأمین ایدیلن دمیر یوللریله ویا عمومی آراهه لرله نقلیات، صو، الکتريک، غاز، تکشیف
 ایدلمش هوا کبی، بعض ایشلرک اجرایی ایچون عقد ایدیلن مغاوله لر قدرت عمومیه نك
 مداخله سندن منبعث اولان نرخیه علاوه ایتك لازم کلیر.

قانوناً نرخ قویق ممکن اولمدیغی وقت واضع قانون غیر مشروع مراجحه جیلک سوء
 استعمالی منع ایتك چالیشیر وجرمک عناصر مکونه سنك تعینتده بایع ویا موجرک مقاوله
 ایله پیاسیه نظراً پك فضله بر کار تأمین ایده میه جکری فیکرینك یکیدن تظاهر ایتدیکی
 کورونور.

۶۵ — بوا حکام قانونیه سلسله سنه، اجتهاد محاکمک غبن فکرینی دولایسیله ادخال
 ایتك ایچون استعمال ایتدیکی وسائطیه علاوه ایتك لازمدر، چونکه اجتهاد، متن
 موجود اولمدیغدن دولایی وجائبك نسبت سزلکنده بر سبب بطلان کورمک ایسته میور
 و کوره میوردی.

محاکم، عاقیدنن بریسنك آلدیغی شی وپردیگی شی ایله تقابل ایتمین بر عقدك،
 مثلاً قید حیات شرطیه باغلانان ایراد صاتیلان غیر منقولک وارداتندن دون بولندیغی
 زمان، علت موجود اولمدیغدن دولایی، عقدك ابطاله مساعد اولان علت نظریه سندن
 استفاده ایتدی.

فیات اوزرنده طرفینك صریح بر تطابق اولمدیغی و بایعك كندی فیات جاریسنی
 قبول ایتدیرمکه چالیشدیغی زمان یا بیلان شیلرک بدلنی تقدیر ایتك ایچون ویا خود شایان
 مسامحه خطا ویا قسماً اجرا حالده تضمینات ماده سنك تطبیقی تعدیل ایچون مقاوله یی
 تفسیر صلاحیتی ده محاکم استعمال ایتشدی.

اووئلر، آوو قاتلر، کاتب عدللر و بانکرلرک ودها اولویته ایش آداملرینك الدقلری

اجرت اوزرنده ده برتفتيش اجرا ايدرلر، شيمدي بو، مشتري نك مقاوله ده كي دونتي وديكر طرفه اولان اعتمادي دولاييسيله حقوقك محق كورولن مستمر برعنه سيدر.

بو حقوق، اجتهاد محاكم ايله اورته چيقارلمش اولان برقاعده نك تطبيقندن بشقه بر شي دكلدر وبقاعده يه نظراً وكيك اجرتي دائماً تنزيل ايديله بيلير. محكمه تميز «ايجار مقاوله سندن فرقلي اوله رق، اجرتي، ايفا ايديلن خدمتله متناسب اولمديني زمان تنزيل ايتك محاكمه عاندر.» ديور بوتنزيل حق لهنده كي اسباب مزوجدر: وكالتك بلا بدل ايفا ايديلمسي ماهيتي، علتك فقداي، بعض وكيك حقه ده كي عدم اعتماد.

غبن فكري نك بودوغريدن دوغري يه تطبيقته، على الخصوص اونيس نيسنه رييل واسهام تجاريه صايشنده، اشيانك قيمتي حقه ده كي خطاي نظر اعتباره آلان، طرف ديكرى دها مصرفي شرائطي قبوله سوق ايتديكندن دولاي تالي حيله يي برسب بطلان اوله رق ميدانه قويان بتون مقرراتي ده علاوه ايتك لازمدر.

فقط غبنك كچه بيلمسي ايچون بويه قبو آراق ييراقينجه طرفينك غبن خوشونته دفع ايتكي ادعا ايتمه ملري لازمدر وبعضاً ظواهر اعتباريله چوق مساعد احواله، محكمه «حقوقك برقاعده اساسيه سنه تجاوز ايديلمسزين تام برموافت طرفين ايله ياپلمش اولان مقاوله نك تعديل وهرهائيكي برحكم قانونك اخلا ايديله ميه جكني» صريح صورته اعلان ايتشدرد. محكمه تميز محاكمه، طرفين آره سنده برنصف ناظري صفتيله حركت ايدمه جكيري خاطر لاتمق صورتيه مداخله ايديور.

۶۶ — مع هذا، چوف بارز فكر جريانلرنده غبنك قبوله چوق فضله بر طرفدارلق واردرد. اول امرده، كليسانك تعليماته صادق اولان قاتوليك حقوق شناسلر، مراجعه حقسز لقريته مساعده كار اولمغله اخلاقه تجاوز ايدن سربستي مقاوله يه قارشى رفع اعتراض ايتكندن برآن خالي قالماملردرد.

ديكر طرفدن، اون طقوزنجي عصر ك نصف اخيرينك مداخله جي حركتي مقاوله نك سوء اسيعمالاتي برطرف ايتك ايچون واضع قانونك مداخله سني اصرار ايله طلب ايتمش، على الخصوص سعي مقاوله سنده «انسانك انسان طرفندن استماريني» اعلان ايتشدرد. فرانسز احكام موضوعه سي دها عصرى احكام موضوعه ايله مقايسه ايدلديكي زمان بونقطه نظر دن سربستي مقاله يه شاين تأسف صورته حرمتكار اولشدرد. اُك يكي لرندن بحث ايتمش اولمق ايچون آلمان قودسيويلى (ماده ۱۳۸) ايله اسويچره قودسيويلى نك بورجلر حقه ده كي احكامي (ماده ۲۱) قيد ايدلم بونلر غبن دولاييسيله بطلاني اساس اوله رق وضع ايديورلر، انكليز اجتهاد محاكمي ده بو فكره ييانجي دكلدر.

كدا موسيو كيال ودوپه نك قودسيويلك ۱۱۱۸ نجى ماده سنى اكمال ايچون بروجە
آتى تكمليف قانونى يى پارلمنتويه عرض ايتمه لرى نه قدر شاين خيرتدر : غبن توليد ايتديكى
وجايتك نسبتىزلكى فضلە اولديغى ومغبونك مضايقه سندن ، ضعف فكريسندن وتجربه -
سزلكدن تولد ايتديكى زمان عقودك ابطالنه سبب تشكيل ايدر »
احكام موضوعه تدقيقاتى جمعيتى ، موسيودوموغك رابورى اوزرينه بوتكمليف قانونى يى
تدقيق ايتدى ، وغبنى ، قيمتك نصفى تجاوز ايتديكى حالده قبول ايدەرك ، متنى تعديل
ايتدى . فقط ، جمعيتك هيئت عموميه سنده ياپيلن مناقشه ده بالذات غبن دولاييسيله ابطال
اساسه قارشى چوق شدتلى اعتراضلر سرد ايدلدى . اك يى حقوق مدنيه كىتابلارنده غبن
دولاييسيله ابطال فكرى حسن نظرله قبول ايدلمشدر .
مسئله يكدن ، ۱۸۰۴ تاريخنده اولديغى كى ، وضع ايدلمشدر وايچەدن ايچە
يكدن تدقيق ايدلك لازمدر .

۲ — غبن مسئله سى

۶۷ . غبن مسئله سنك ماهيت اخلاقيه سى - ۶۸ . اكتساب اولنان شيلر ارە سنده
تعادل فكرى وغبنك حسابى - ۶۹ تعادل فكرينك تنقيدى - ۷۱ اقتصادى ضرورتلر
الهام ايتديكى اعتراض - ۷۲ مقالات آرە سنده ياپيلن برتفرىق - ۷۳ غبن دولاييسيله
فسخ عقدك تنظيم تطبيقى .

۶۷ — بواك يى احكام قانونيه ، اجتهاد محاكم ومسلك تمايلاتى خاطر لايچە ، قتوليك
وسوسياليست مسلكلر عىنى بمقصد ايچون برلشدكلرى وبىوك برحقوقشناسلر جمعيتنك
اساسى قبول ايتمش اولديغى اشارت ايدلنجه البته بر عصر دنبرى افكارده حصوله كلن
تكاملى فرق ايدرز . حریت پرور فرديت جيلكك اوزون ظفرندن صوكره پوتيه به التحاق
ايتك واساسات حقوقيه نك دار وقطى قاعده سى اوزرينه اخلاق قاعده سنك غلبه سنى
اشارت ايدن بواكى غبن فكرينى مقاوله نظريه سە يكدن ادخال ايدلك .

ايسته ، بر زمان ايچون ايشه قاريديرلمش اولان اخلاق قاعده سى مقاولاتده يكدن
حاكم اولمغه باشليور . موسيو لهوى - اولمان ، بوفكرى قبول ايدەرك ، انكليز اجتهاد
حاكمك « برنوع نيم دينى دوشونجه ايله » بوكا دليل اولديغى قيد ايدسيور . « وجدان
نامە ، دييور ، وعادلرک مقابل اخلاقيتنك چوق اعتنالى برتحليل ايله ، نصف حاكمى
معامله حقوقيه نك وجدانه مخالف اولوب اولمديغى وفكر عدالته توافقي ايتك مجبوريتنده
بولوب بولمديغى كندى كندينه صورييور »

وجدانه مخالف مقاوله ! اخلاق قاعده سنك قيمتي ده ايني نصل تبارز ايتدير بله بيلير . معامله قانونه موافقتك شرائط حقوقيه سني جمع ايدنيور ، فقط ضعف ، خطا ، طرفينك حال مضايقه سني حسييله ، برينك ديكرى ضررينه بغير حق ا كتساب ثروت ايتيمي ايله افاده اولنيور . او حالده ، حاكمدن بو معامله نك قيمتي تقدير ايتيمي بزه ، كوره ، مساوات ايله عدالتي تمثيل ايدن موازتي تاسيس ايچون ماده لري ابطال وتعديل ايتيمي طلب اولنيور .

٦٨ — اخلاق قاعده سنك حقوق قاعده سني شكلنه انقلاب ايتدير لمسنه چاليشلديني وقت ، بوقاعديه مقتضى اولان صراحت وقطعيتي ويرمك لازمدر . حاكمه ، وجدانيت ماهيتني تقدير ايچون بر مقاوله يني عرض ايتمك ، عقودك سلامتي ايچون فلاكت انكيزر نتيجه اولور . حقسرلني طارتمغه چاليشمق ايجاب ايدر . او حالده ا كتساب اولنان شيلرك عدم مساواتندن مقاوله نك سبب بطلانني استنتاج ايتمك ايچون ايكي طرفك ا كتساب ايتديكي شيلرك قيمتي اولچمك لازمدر . مقاوله ده تعادل اولوب اولمديغي ومقاوله نك عدالته موافق بولنوب بولمديغي آرامق كليسا ارباب حقوقك فكريدنر . بونلر تعادل دلائلي اريسطودن آملشردنر . آله ر - لو - غران وسن - طوماس دا كهن صايشده محق بر قيمت اولسي لازم كلديكني تعليم ايدرلر . كذا بوكونده ا كتساب اولنان شيلرك تعادلني ، بوتعادله اصل مقاوله نك علتني كوره رك و « دائما حاكم اولان اراده نك هر كون آفاقي تعادل فكرينه ترك موقع ايتديكني » اعلان ايدنرك ، مقاوله نك قانونه موافقتك بر عنصر اساسيسي حاله كتيرنلرك فكري بورد . بوتعادل فكريني تعيين ايتمك ايجاب ايدنجه كليسا ارباب حقوقي دوچار مشكلات اولمشلردنر : استحصال فياتنه مي يوقسه قيمت جاريه يه مي عطف اهميت ايتمك لازمدر ؟ بونقطه ده اريسطودن آملشلردنر ؛ آنجق بر تك دوغري فيات واردنر . ياخود ، اعلا ، اوسط ، ادنا اوله رق اوچ صنف فيات وجوده كتيرمك لازمدر . كليسا ارباب حقوقي بوني آرامقده بحثلريني قوروتديلر وغبني در حال كوسترمكه مساعد اولان قانوني نرخی مفكوره كبي تلقى ايتديلر .

صوك تجارب اقتصاديه بوقانوني نرخی مساعدنر دكل ايدى . بونرخ يا بايبي بالنسيه بوكسك فياتلر ايله مظهر مساعده قيليور . ويا امتعيني اورته دن قالدنر مغه ، كتمه سائق اوليوردي . همده ، بواصولي آنجق ذخائر ايچون استعمال ايتمك ممكن ايدى واشيياي سائر ايچون ، خدمات ايچون فياتي تثبيت ايتمك ممكن دكلدر .

او حالده كيفيتي حاكمك تقديرينه تركه مجبوريت حاصل اوليور ايدى . هيچ دكلسه غبني بوصيف ايدنرك تقدير ايچون بر رهبر وجوده كتيرمكه تثبيت ايدلدى . ديوقله سيهين

قضیه بر غین طلب ایدیور ایدی و غینی، عمومیتله نصفدن فضله اوله رق قبول ایدیوردی. فودسیویلده بیعده اون ایکیده یدی اوله رق قبول ایتشدی. موسیو کیبال و دوپه نیک تکلیف قانونیسنده فضله غین مسئله سی یکیدن موضوع بحث اولدی، فقط موسیو دوموغ واوندن سوکره احکام موضوع تدقیقاتی جمعیتی نصفدن فضله ده غینی قبول ایتدی.

بو حسابلر و بوتشبلر بیوک برشی افاده ایتمز. مشاور فابری، احکام موضوع تدقیقاتی جمعیتله «غینک نصف اوله رق تحدیدی بکا حقسنز، کیفی و غیر قابل تطبیق کورو نیور» دییوردی.

حقوقی حسابیه تابع قیلمق غیر ممکندر. بر تحدید، حقوقی حاکمک برشی سویلیه مکسنزین تطبیقه مجبور اولدیفی متصلب قواعددن عبارت عد ایدن اسکی بر تاقی حقوقی بی یا شانیور.

۶۹ — فی الحقیقه غین فکری، حساب ایله ویا حسابسز اوله رق، وجائبک نسبتسز لکنه فکریته تهاکدن مصون اوله رق ارجاع ایدیه مز، زیرا، قاعده یه بر شکل حقوقی ویرمک

ایچون، قاعده وصف اخلاقیسندن تجرید اولنور، اساس، مطمح نظر ایدیلن قطعیت عملیه وصول ایچون تخریب ایدیلیر.

وجائبک نسبتسز لکنه حکم ایتک ایچون وجائبک قیمتترینک رسمی بر اولچوسی لازمدر؛

یو اولچو بعضاً موجوددر؛ بو وجهله فائضک قانونی بر رائجی واردر که همانده اقتصادی رائجله مناسبتداردر و بورائجیه موافق اولمدیفی زمان فائض تنزیل اولنور. اولچو موجود اولدیفی وقت مثلاً مجبوری اوله رق اعلان ایدیلن یا خود متوسط اجرتی تثبیت ایدن معتاد قیائلری تثبیت ایده رک، تأسیس ایدلمکه چالیشیلیر. فقط، علی الاکثر رسماً تثبیت ایدلمش قیمت موجود دکلدیر.

عاده می اعتبار ایدلمیدر؟ فقط عادت استثماری افاده ایدیور ایسه، عملیه آنحق

آچلقدن اولیه جک قدر بر اجرت ویریلورسه، عمله بو اجرتی قبول ایتمش اولدقلمی

تقدیرده غین بوقدر! احکام موضوع تدقیقاتی جمعیتی لایحه سنه بروجه آتی حکمی درج

ایتدی: «حتی جاری اولان عادت، بوعادت بر استثماری مفید ایسه وجائبک نسبتسز لکنه

اصلاً مشروعیت ویره مز» دیگر طرفدن بر قسم مقاولات ایچون مبادله قیمتندن بحث

اولنغه مساعدده ایدیلورسه، معین بر مقاوله ایچون معتاد قیمتی نظر اعتباره المق لازمدر.

بر مفروغ له، خوشنه کیدن ویا کندیس ایچون بر فائده تاریخیه سی اولان بر غیر منقولک

بدلنی آتون ایله تسویه ایتدیک وقت، بر قولکسیونچی بر تابلوی ویا بر ستاتویی بر ارقداشنه

یوکسک بر فیائله صاندیفی وقت، بر باترون مرحمة ویا مقداردن فضله اوله رق ویا خود

تزدنده صنعتی او کرمک ایتدیک ایچون اسخدام ایتدیک بر عملیه غیر کافی بر اجرت

ویردیک وقت غین وارمیدر؟ ایفا ایدیلن خدمتک، تاریخی شیئک، خاطره تاریخیه نیک

قیمتی کیم تقدیر ایدہ جک؟ ہر مقالہ دہ ہر مقالہ عقد ایتک ارادہ سی، قیمتی الہ ایدن، بدلی تسویہ ایدیلن بر قوت واردر۔ ارادہ نک شدتی، وعکس معنا ایلہ، احتیاجک تعدیلی، قیمتک ثبتندہ روالی اوینار بونلر بذاتہ غیر مشروع دکلدر، وبوسیله درکہ، کلیسا ارباب حقوقی کندیلرینک دار و محق فیات تلقیسندہ مغلوب اولمشلردر۔

۷۰ — حتی، محق فیانندن بحث ایدلرکی زمان، مساواتدہ منحصرآ عدالتی کورمک لازم دکلدر؟ اکتساب اولنان شیلرک مساوات مطلقہ سی، عاقدرک مساواتی کی غیر ممکندر۔ فقط مکتسبات نسبتزلکی برحقشزلک مقالہ ایلہ تکمل ایدہ جکئی اشارت ایتدیکندن دولایی درحال اورتہ یہ قویولمالیدر۔

بوفکر کلیسا حقوقہ ییانجی دکلدر۔ کلیسانک مراجعہ یہ قارشی اوزون مجادلہ سندہ فائض تعہدی ممنوعیتلری الہام ایدن بوفکر در۔ اقراض ایدن کیمسہ مستقرضک بولندینی حال ضرورتدن استفادہ ایدہ رک بر اجرت طلب ایتہ ملیدر، بومنوعیت مستقرض دیکرینک سرمایہ سندن کار تأمین ایتدیککی زمان اورتہ دن قالقار: داها صوکرہ لری، کلیسا «طمعکار آدملر طرفندن وغیر قابل تغییر بر حرص ایلہ دیکر بر شکل آلتندہ تطبیق ایدیلن» مراجعہ یی دہ تلعبین ایتمشدر و سرمایہ دارلرہ «عملہ یہ محق اجرت تسویہ ایتکی، اولنرک تصرفلرینہ نہ شدتلہ، نہ حیلہ ایلہ، نہ مراجعہ ایلہ تعرض ایدلہ مسنی» بر وجیہ عدالت اولہ رق امر ایتمشدر۔ مقالہ ایلہ استثماری دائماً منع ایتمشدر۔

غبنده، مغبون اولان طرفک، فساد رضاسنک دلیلی کورن بتون مؤلفلردہ بوکا بکزر بر فکر بولنور: بو طرف یا بر حیلہ یہ، یا بر جبر معنوی یہ قربان اولمشدر؛ یا عقد مقالہ ایتک ضرورتندہ قالمشدر و یا خود اشیانک قیمتندہ آلدانمشدر؛ طرف دیکر آلدانمش اولاندن بر تعہد استحصال ایتک ایچون بو وضعیتی سوء استعمال ایتمشدر۔

آلمان واسویچرہ قودسیویلری غبنی قبول ایدرکن، غبنی وجائبک بارز نسبتزلکی ایلہ توصیف ایتمکک اکتفا ایتہ مشلر، غبندن تولد ایدن فائدہ نک «دیکرینک احتیاج، حقیقیلک وتجربہ سزلکی دولایسیلہ» استحصال ایدلش اولدینی نظر اعتبارہ المشلردر۔

موسیو کیال ودوپہن تکلیف قانونیلرینہ بودستوری حرفیاً ادخال ایتمشلردی۔ احوالہ غبن صفتی تبدیل ایدیور۔ مقالہ نک سوء استعمالی دولایسیلہ ارتکاب ایدیلن حقسزلق کی کورونیور؛ نتیجہ عاقدین آردہ سندہ کی مجادلہ نک غیر مقبوللکی ارانہ ایدیور۔ اکتساب اولنان شیلرک عدم مساواتی مقالہ نک سبب بطلانی دکلدر۔

دیکر بر سبب بطلان واردر: طرفندن برینک دیکری طرفندن استثار ایدلسی۔ صولک تحلیلدہ، عاقدہ وضعیتک کندیسہ تأمین ایتدیککی فائدہ طبیعہ دن استفادہ ایدہ رک کندیسہ ایچون فائدہ لی بر ایش یا بمق نہ کی خصوصانده ممنوع اولدینی نقطہ سنہ واریلور۔

بوکا، هم جنسی شایان قدرت برشکله استناره چبالامق انسانلره قردهش کبی معامله ایتکی تعایم ایدن اخلاقه منافیدر، جوابندن بشقه بر جواب ویرمک ممکن دکلدرد.

بوراده، منحصر آ اخلاقی اولان فساد غبنک تقدیرندن قانچمق ایستلدیکی زمانا ک مهم افکار اجتماعیه التجا ایدیلیر. موسیو دوموغ غبنی، اکتساب اولنان شیرک عدم مساواتی اساس اتخاذا ایدرک دکل، فقط قوای اجتماعیه ک آهنگ تکاملنه منافی بولمقله برعاقدی، بر صنفی غایه سنه واصل اولمقدن منع ایتک تهلیکه سی عرض ایدن، عدم مساوات فکرنندن ده کنیش بر فکرایله قبوله مساعددرد. قوای اجتماعیه تضییقکار مساواتدن زیاده عدم مساوات ایچنده دهایی انکشاف ایدر. قانون بشری کبی یوکسک بر قانونک، قریبند بر ذوق و یاسعادت واسطه سی آرامی منع ایدن بر قانونک مرعی اولدینی کون بو حق موجوددرد.

۷۱ — مع الناسف قانون اخلاقینک مطاعیت قطعیه سی مناسبت حقوقیه ک ضرورتلریله چاریشیر و بو مناسبتک نامتناهی تکاملی مقاولاتده کی غبن فیکرینه اهام ویریر. کلیسا ارباب حقوقی تطبیقات تجاریه ک انکشافندن بری کندی ته زلریله فرضیات علمیه یی تالیف ایتک ایچون فضله مشکلاته اوغرامشلدرد و فاضله پاره اقراضک غلبه سی ایله نهایت بولان بو اوزون مجادله ک تاریخی معلومدر.

مناسبت حقوقیه مکتسب وضعیتلرک ثباتی طلب ایدر. بر مقاوله ک سقوطی غیر قابل عتاب اولان دیگر مقاوله لری ده تهلیکه یه لقا ایدر. بو او یغونسز لقلر فسخ عقد دعواسنی پک قیصه بر زمان ایله تحدید ایتکه بر طرف اولور؛ یا خود تماماً بر طرف ایدیه رک فضله بر بدل تسویه سی صورتیله مقاوله ایقا اولنور. شه سز بونلر بتون ابطال دعوالرنده مشترکدر، حاکم طرفندن چوق کنیش بر صلاحیت تقدیرک اجراسنی متضمن اولان ابطال دعوالری چوق اغیردرد. بو تطبیقاته متدائر بر اعتراضدن عبارت اولوب ده شدید اولان بر ذیکری واردرد. مقاوله آتی به مضاف بر معامله در مقاوله عقد ایدلیدی کون موجود اولان بر غبن، وقوعات مؤخره ایله کارلی بر ایش حالنه متقلب اوله بیلیر. علی الخصوص قیمتلرک سرعتله آلت اوست اولدینی بحران دورلرنده بو انقلابات دائمی اولور. مقاوله یی عقد ایتدیکی کون مغبون بروضعیتده بولننیا بایع اوچ آی صوکره، صاندینی شینک بدلی اوله رق آلدینی پاره محتملدر که قیمتی تماماً غیب ایتش اولور و یا خود مقاوله ک ظاهراً غبنی ارئه ایتسنه رغماً، معکوس بر تبدل ایله مکمل بر ایش کورمش اولور. تصادفک نتیجه سی اولان شی ایچ ایشلر کورمکه مستعد اولان عاقد طرفندن آرزو ایدلش اوله بیلیر بو معامله، بالذات تجارتک روحیدر، بو معامله یی غبن دولایسیله ابطال ایتک روح تجارتی اولدور مکدر. مقاوله ک عقدی کونی غبنک موجود اولوب اولمدیغنی تقدیر ایتک لزومی بدیهیدر. همده مقاوله زمان زمان اجرا ایدیه ک بر تعهد متعلق بولدینی زمان غبنک تقدیرنده

چوق جدى مشكلات پيدا اولور . فقط عقد كوني نظر اعتباره آلنجدهده معامله حقو - قيه نك فائده سنى تخريب ايدن مراتجوى معاملات تهلكه سنى واراش اولور . اجتهاد محاكم تصادفى مقاولاتده غبنك موضوع بحث اوله ميه جغنى تصریح ايتكمدهدر . هر مقاولهده بر تصادفىلك معناسى وارددر ، هيچ برعاقدر قراج آى وياسنه صوكره پاتريمواننه الحاق ايتديكى شى ايله اوكا مقابل ويرديكى شينك قيعناً تعاول ايدوب ايدميه جگنى بيله مز .

نتيجه اوله رق حيات اجتماعينك نواقصى اكمل ايتمى لازم كان براساس اخلاقينك قانون مدنى به ادخاله مساعد ايديلوب ايدميه جگى ، قود سيويك ۱۱۱۸ نجى ماده سنك وضع ايتديكى اساسك ، يكي واك كنش بر معنا ويريله رك محافظه ايدمى لازم كلوب كلديكى صورولور : غبن عقودانى الحق بعض مقاولاتده وبعض اشخاص حقنده فساد اوغرادير .

۷۲ — بو صورته فكر عقود آرمنده حركته سوق ايدلمش اولور . اول امرده ، تجارلر آرمندهكى مقاوله لرى ابطالدن مصون بولندورمق لازم كلير . بوتيه نك منقولات صايشلرند غبنك موضوع بحث اوله ميه جغنى سويله مى مدافعه ايتديكى بر فكرك مماثلندن بشقه بر شى دكلدى ، و نه راسم ، كيسانك « انسانلرك اك دليلرى واك ديليرى اولان » تجارلره قارشى عصر ديده استحقارنده ، بونلرك عدالته وحقه حرمت ايتكمسز اين اجراى معامله ايتدكلرى فكرى وارايدى ، ديور . تجارتك طلب ايتديكى انتقالاتك سرعت و امنيتيدر . تجارت و وقف نفس ايدنلر منفعتلرني صيانته اهل اولميدرلر . غرايه ن « تجارت سكون روحى ني رفع ايدرايسدهده فكرى مجهز قيلار » ديور .

بالعكس طرفيندن برينك ديكر طرفك سوزينه بحق اعتمادى بولنان احوالده غبن دولاييسيله ابطال ويا تنزيل قبول ايدلميدر . بو كى عقوداده چكيشه چكيشه بازاراق يوقدر ، بر طرفك طرف ديكر ك شرائطنه بر مطاوعتى وارددر . بوسيله در كه اجتهاد محاكم اجر تلى و كالتده و على الخصوص اوفيسنه مينسره ريه ل ويا بر آووقاته قارشى وجيهه تحمل ايدلديكى زمان فضله و جائبك تنزيلنى قولايقله قبول ايتمشدر ، بو صور حليه قانونى قاعده لرشكله كچمشدر . سن محكمه سنك ۱۹۰۷ تاريخنده قروكر - دو ايه ن حادثه سنده ويرمش اولديكى حكم ، سربستى عقدك سوء استعمالك نظره چارپان بر مثاليدر .

غبن كذا ، طرفينك ، اكتساب اولنان شيلر آرمنده كى نسبتسز لكه سائق اوله جق شكلده قوت نسبتسز لكك اشكار اولمى استثمارك موجوديتنى كلامغه كافى اولديغندن بو كى مقاولاتدهده غبن قبول ايدلميدر ؛ مثلاً عملك سعيندن غير مشروع صورته استفاده ايتكم غايه سيله دون بر اجرت ويريلن سعى مقاوله لرند اولديكى كى . بو تخالف قوت بعضاً معلومات عمليه نك تخالفندن منبعث اولور ؛ بو صورته صاحب ملك و معمارى ، مؤلف و طابعى ، بريسى اكتساب اولنان شينك قيمتنى نظر اعتباره آله بيلديكى و ديكرى بونى بيله مديكى همچون ، مساوى وضعينده دكلدرلر . خلاصه ، انسانه حياتى همچون ضرورى اولان شيلرى حصوله كيتيرمك مقصديه

عقد ایدیلن مقاوله لرده ، هیچ دكلسه ، بحران اقتصادیدن بالاستفاده بایع مشترینك .
احتیاجاتی اوزرینه مراجعه بایدینی حاللرده غنی قبول ایتك لازمدر . مثلاً شدتلی سکنه
بحرانی اولدینی برزمانده مستأجرلری ، حال اضطرارلرندن دولایی صاحب مدكك استثمار
ایتمسه قارشى حایه ایتك ایچون کبرا مقاوله لرنده غنی قبول ایتلیدر .

۷۳ — کورولیوکه بوتون بو تطبیقات عینی فکردن تولد ایدیور: مقاوله یی ابطاله
سائق اولان اکتساب اولنان شیرك نسبتلریکی دكل ، عاقیدن برینك استثمار ایدلیرك
بو نسبتلر لکله تظاهر ایتسیدر .

غنی بعض مقاوله لرده قبول ایدلمش اولوب تجاری مراجعه فکرینه مستند مقاوله لرك
یکی برتقییمی اورتیه چیقمشدر . اساساً مقاولانده بعوض مقاولات و طرف متقابلك
عدم موجودیتی ایله متظاهر اولان سخاوت فکریه مستند بلاعوض مقاولات دییه برتقسیم
یایدیغمزی خاطر لایق کافیدر . بعوض مقاولاتك اکتساب اولنان شیرك مساواتی ضرورتنه
مستند اولان برتقسیم نالیسی ده وارددر . بعض مقاوله لر هر هانکی بر فکر سخاوتله الهام ایدلمش
اوله مغله برابر مطلق بر خود کاملغه و دیگرینك ضررینه اکتساب ثروته ده مساعد دکلدر .
عمومی بر دستور قبول ایتك لازمیدر ؟ هر نوع مقاوله ده غنك قبولی تصریح ایتك
آرزو ایدیلورمی ؟ بومسئله تطبیقات مسئله سیدر . ساده جه بعض مقاوله لرك مقوله سنك
دکشمه بیه جکئی قید ایدلم . اوللری خیر خواهانه بر مقاوله عد ایدیلن قرض مقاوله سی
حالا تأمین منفعت ایدن فقط غنسنز و مراجعهوی مقاوله اولمشدر . غیر مقولاته متعلق
خصوصات تجاریلشدیر یله رك بر کون غیر مقولات صایشنك مراجعهوی بر مقاوله اولمسی
ممکندر و اوزمان بایع فسخ عقد دعواسی حقنی اکتساب ایدر . بالمقابل غیر منقول ایجاری
مقاوله سی مقدما غنسنز مقاوله اولان معامله ایدی و بوتایل شرکته سرمایه اوله ق قو بولان
شیک قیمتی حقنده بر تحقیق رسمی طلب ایدلیرکی زمان شرکت مقاوله سی ایچون ده موجوددر .
بونلر فکر حقوقینك وزمانی ضرورتلرك مقدر تکاملاتیدر . فقط سربستی طرفدار .

لغندن و مقاوله حقنده دوشونجه یی غیب ایتدیرن بر حیرتن بر عصر صوکره سربست اراده
تعبیرینك کلیسا ارباب حقوقی طرفندن میدانه چیقارلمش اولان فکر اخلاقی ایله مشبوع
بولنان اسکی حقوق شناسلر مذك مسلکته تکرار کیرمسی شایان حیرتدر . آرتق عدالت
عقدیه ایمان ایتدیکمز یوق . مدیونك ظاهری تابعیتی آلتنده اُك قوتلی بی وَاك قورنازك
بغیر حق اکتساب اموال ایتمسی موجب بر فدا کارلقله دوجار ضرر اولان کیمسه نك
درینلردن کلن حس عصیانکاری کوریورز . و حقوق ، عدالتی مقاوله یه دكل مقاوله یی
عدالت استناد ایتدیرن قدیم فکر اخلاقینك تعالمانه قولاق ویرمه مك حقسنزلق اولوب
اولدینی کندی کندیسندن صور مقده در .

عبدالحمید کمال

بریدر